





M



*Sic propriis
otio*

*consuluit
Anno 1787*



XXIX. 10. 16


14-16.A.20

VITA
HONESTA, SI

VE VIRTUTIS: QVOMO-
do quisque viuere debeat, omni
ætate, omni tempore, &
quolibet loco, erga
Deum & ho-
mines.

AVTORE HERMANNO
SCHOTEN; HESSO.

*Cui nouissimè adiecimus institutionem Chri-
stiani hominis, per Adrianum Barlandum
Aphorismis digestam.*



LVGDVNI,

Apud Henricum Hylarium, & Ludo-
uicum Cloquemin.

1 5 6 4.

ORATIO MANE

DICENDA.

Gratias tibi pater coelestis ago, quòd
præteritam noctem mihi volueris esse
prosperam: precórque vt diem itidem
hunc totum mihi bene fortunes ad tui
gloriam & animæ meæ salutem, &
vt tu qui vera lux occasum nesciens,
sol æternus, omnia viuificans, alens,
exhilarans, digneris illucescere menti
meæ, ne vsquam impingam in vl-
lum peccatum, sed ductu tuo
perueniam ad vi-
tam æternam.
Amen.



ERVDITISSIMO ● AC

MAXIME EGREGIO VI-
ro Ioanni Ryncx, Patritiæ familiæ
apud Colonienses, Iuris vtriusque
doctori, Mecænati suo, **M**erman-
nus Schoten, Hellsus, S.



PRISCIS scriptoribus
mos fuit, vir eruditissime,
ingenuarum artium studia
literis demandare, atque
mandata literis, cōsacrare amicis, aut
magnatibus: ipsorum insuper gesta, fa-
ctorumque encomia subinde celebra-
re, præsertim in librorum apijs. Quem
morem nimirum commendatione di-
gnum, & à Iouis seculo initiū habuif-
se, ut testatur Iactantius, & hoc usq;
euum obseruatum, cū aduertissem,
imitari gestiebam. Cū itaque ego in-
fima fortuna literaria, inter literas

discentes vnus elapsis modò hybernis
solibus, de Vita honesta, in iuuenum
emolumentũ, cõmentatus essem, iamq;
typographis excudendum darem: ne-
scio quid animo meũ volutabã, cuiñã
eas ipsas nugas dicarem potissimũ.
• Omnium primũ tu vir egregie, utrius-
que iuris doctor, mēti occurrebas, quẽ
deceret honestatis decorare libello. Ho-
nestatis præcepta, conueniunt honesta-
tis cultori. Vulgus ipsum anxie aduer-
tit, & obseruat, ut talia missit et mune-
ra, qualis is est cui mittuntur. Dignus
tu es, cui honesta vita nuncupetur in-
stitutio. Prognatus nanque es familia
laudatissima: quã & ego ad astra præ-
conio ferrem, si verba suppeteret ani-
mo, linguaq; eloquentia nõ deesset: nũc
autem vereor, ne laudes cogar tantas
(ut Flaccus inq̃t) culpa detertere in-
genij. Quare imitabor Timatẽ: quodq;
exprimere penicillo non possum, velo
contegam: Summaq; sequar vestigia
rerum

rerum. Honestissima tua est familia,
& celeberrimi nominis: non solum in-
tra Colnienſium mœnia, ſed paſſim
apud exteros quoque tuorum maiorũ
& fama auditur, & monumenta con-
ſpiciuntur. In ore hominum eſt egregia
ſtirps veſtra, ab annulo cognominata.
Multas habuerunt patrũ & patruo-
rum familias, gẽtiles illi Romani: tum
Piſones, Fabios, Lentulos, Cicerones,
à putridis leguminibus nominatos, aut
à ſerendis piſtis, fabis, lentibus, aut ci-
cere. Annulus vobis cognomentũ præ-
bet, cuius virtus nõ indignè magno re-
putatur. Eſt rotundus, quod nobiliſſi-
mum figurarum eſt: pretioſo cõſtat me-
tallo, geritur in digitis, ut omnium ocu-
lis obuerſetur: connubio ſiue ſponſæ in-
ditur digitis, ipſius ſigno litera occlu-
duntur & cera. Hæ annuli dotes tuæ
familia ſic ſunt domeſticae, ut etiam na-
tiua, & cœlitus tributa videantur.
Quotquot enim unquàm tuorum ſue-

runt maiorum, aut adhuc aura vefcū-
tur ætherea, maxima virtute pollue-
runt & pollent: præminuerunt cate-
ris honestate. Magnates & apud vr-
bes, principes, & reges fuerunt. Non
delituerunt squalida vita umbratica,
ut olim Epimenides in antro: non ob-
fcuri vixerunt, sed in omnium conspe-
ctu eximiam prudentiam ostenderūt,
tum publicè, tum priuatim. In primis
hanc urbem, totius Germaniæ facile
principem, & nulli secundam, ædificijs
pretiosissimis decorarūt: ob quod olim
Homerus appellauit reges κοσμητορας
λαῶν, id est, ornatores populorum: ni-
mirum ob id ipsum, ut refert Beroal-
dus, quod ædificijs ciuitates exornare
debeant, & ornatu cultuq; se monstra-
biles præbere. Quare & olim Augu-
stus gloriatus est, se urbem marmoreā
relinquere, quā lateritiā accepiſſet.
Autores sunt Suetonius, Sextus Au-
relius, & Orosius. Aestimât Plutar-
chus

chus dictum esse in Domitiani laudē,
Aedificare gaudes. Ancus Martius
quartus Romanorum rex, aedificator
cum laude dicitur. Hæc quàm verè,
quàm bene, quàm laudabiliter de tuis
possint dici maioribus, nemo erit, qui
inficias, ille. Insuper & diuū non fue-
runt contemptores, ut Virgilianus ille
Mæzentius, sed religionem coluerunt
oppidò: Horatiano præcepto, se Deo
minores esse agnoscentes: & ad Deum
omnium rerum suarum & principiū,
& exitum referentes. Religionis non
minima pars est: extruere templa, re-
stituire delubra vetustate labentia. In
laudem Augusti dictum est, Templo-
rum positor, templorum sancte repo-
stor. Tuae stirpis procures Ecclesias cō-
plures & aedificauerunt, & exornave-
runt donis eximijs, tum & diuinis sa-
crificijs. Veniam ad viros ipsos, veros
virtutis heroes. Anis proanisq; præte-
ritis, ut contractis loquar velis, à pa-

tre tuo auspiciū sumam. Pater ille
tuus nunc ætherea orbatuſ aura, & lu
mine caſſuſ, vir fuit omni & religione,
virtute, & pietate pleniffimū. Huiuſ
urbis conſulari magiſtratu, & faſci
buſ uſuſ, laudabiliter urbem ædificiis
decorauit, & templis, domoſ egregiaſ
& regiaſ extruxit: domiciliū ſuū
bibliotheca literaria compſit ex omni
ſcientiarū genere libriſ collectiſ &
coëmptiſ, ut quondam Auguſtuſ ille
Caſar Romanuſ, & nuper Florentia,
Laurẽliuſ Mediceſ. Deinde ad gym
naſiū quoddam literariū reſicien
dum ære ſuo ſubueniſſet, niſi auſter flo
rituſ immiſſuſ fuiſſet. Literarū ama
tor fuit: idcō gymnaſio conſtruendo in
ſumere argentum voluit, idcō ſupelle
ctilem libriſ intra penateſ collegit,
ideò te, fratrẽmq; iuū literiſ imbui
curauit. Virtutiſ cultor fuit, multiſ
anniſ hanc Agrippinenſem Coloniā
gubernanſ. Tandem feliciter fatiſ con
ceſſit

cessit, diemque clausit supremum. Cuius domum meritò dixero adem Camænarum, ut olim Augusti bibliotheca. Ipsius adhuc tres superstites sunt fratres, & filii patrui, viri & patres celeberrimi : quorum vnus Adolphus hac in Romana Colonia Agrippinensi, principem tenet locum, fascibus consularibus iam quinta vice fungens, Rempublicam hanc iustitiæ legibus moderans, sine quibus magna regna, nihil aliud esse quàm latrocinia, autumat Augustinus. Passim Germania nostra Orientalis nunc aestuat, aut religionis contemptu, sacrorum neglectu, caeremoniarum piarum detestatione, seditione mutua, vnus in alium sauitia. Religiosi vbiq; iam, ut pestes rapaces, & lupi profligantur, sed hic adhuc obseruantur & tutantur, vbiuis locorū templa prophanantur, in equorum vertuntur statula, cultus Dei passim intermittitur & negligitur : hic

adhuc Deo viuatur, seruitur, & sacra
fiunt. Religio ferme apud omnes urbes
Germania contempta iacet, & pessun-
datur: hic Colonia adhuc viget, & flo-
ret more antiquo. Hac omnia senato-
rum prudentia, prudentique regendi
consilio, fiunt: inter quos hic Adol-
phus patruus tuus clauum, & princi-
patum, & fasces tenet: Consul namque
huius est anni, post ipsum de albatris à
puero geritur fustis inflexibilis, in si-
gnum iustitiae, quae & alba, pura, & syn-
cera est, inflexibilis, nullis neque preci-
bus, neque muneribus à recto deuians.
Horas quotidianas, & statas habet,
quas audiendis controuersis impen-
dere memoratis solet, quibus tam hu-
mili quàm potenti, tam egestoso, quàm
luculento, licet adire eum, desideria
expromere, & lites explicare. & pro-
fectò nihil praestabilius esse potest, &
potissimū in consule, quàm habere ho-
ras negotiosas, à feriatis sequestratas.

*Vt enim certus est siderum cursus: ita
certa vita hominū delectat, & præser-
tim cōsulis. Huius patruī tui domū, mē-
ritō dicimus ædes patris patriæ: in ipsū
nanque recumbit totius vītis salus, &
providentia. Alius tibi est patruus,
Hermannus senior, prudētiæ scaturi-
go, virtutis promus & condus, honesta-
tis autor non minimus, commendatus
regibus & principibus prudentiæ in-
genuitate. A consilijs est inuictissimi
nūc Cæsaris Caroli quinti & Christia-
nissimi regis Angliæ, ob virtutem nobi-
litatus, ac eques (vt vocant) auratus
creatus Colonie hīc habitans, à pere-
grè agentibus regibus consulitur. Do-
mus ipsius iure Apollinis Delphici tem-
plum potest dici: ad quod procul ipsum
Deum consultum veniebant Gentiles.
Sic nuper autumnalibus diebus Lega-
ti regis Angliæ huc aduecti, missi ex
Britannia adiutum Hungariæ regem
contra impios Turcas, ad istum patruū*

diuertebantur, suo nutu & iussu pende-
 bant, eum quotidie ac oraculum consu-
 lebant, tandem Hungariam eius con-
 silio petebant, ut olim Apollinis moni-
 tu, Italiam versus ex Creta insula sol-
 uebant Anchoram Troiani. Patruus
 tibi tertius est Conradus, huius inclyta
 urbis senator prudentissimus, senio &
 canicie, veteres senatores Romanos re-
 ferens. Post hos sequitur frater tuus
 Hermannus iunior, hoc anno in magi-
 strum equitum eligendus, nisi in sena-
 torum album delectus fuisset: futuro
 tamen anno illi prouinciae praeficietur.
 Vix tandem ad te venio vir eruditissi-
 me, iuris utriusq; doctor, qui scientiae
 cupidissimus, veterem sectatus Iytha-
 goram, paternum solum deseruisti, Ita-
 liae Bononiam florentissimam adisti,
 gratia prudentiae, & literarum conse-
 quendarum: ille idem decretorum docto-
 ratu insignitus, hic legum doctor, crea-
 tus es. Iuris utriusq; doctor es: nunc ve-
 re

rè annuli cognomentum tibi competit,
integer namq³ ex legibus tã civilibus,
quàm pontificalibus decretis. Præterea
in te paterna virtutis expressa vesti-
gia sunt: patrẽ in te filio agnoscimus,
paternas effingis virtutes: patris in te
aquitas, similis in filio prudentia pater-
na conspiciuntur: imò, ut eloquar quæ
sentio, filius in multis similis est patri,
aut tandem maior. Egea sic Theseus,
sic Pelea vicit Achilles. Tu religiosorum
de ol servantia Franciscana es ho-
spes, tu literatorũ Meccenas. Lorum
tuam dignè appellamus ades Meccæ-
natis, patroni & religiosorum & lite-
ratorum. Hactenus tuæ familiæ Erco-
mitũ: licet sciã quæ de ipsa concepi in in-
finitũ. sul sidere infra fastigia dignita-
tis. Scias autẽ & tu quæcunq³ dixi, lon-
gè minor esse his, quæ concepi: quare in
tuam stirpem hiscẽ veris mihi excla-
mare libet:

Quis laudem illius gentis, quis munera fando
Explicet, aut possit dictis celebrare labores?

Vestris laudibus si Homerus adesset (ut Hieronymi verbis utar) vel succumberet, vel inuideret. Tu tamen nihilominus munusculum hoc exiguum grato suscipito animo: memor Demosthenis, qui etiam ab anicula muliere digito demonstrari gauderat. Recordare Artaxerxis regis Persarum: qui etiam manu haustam aquam ab operario (dum sitibundus equo insidebat) boni consuluit. Vale vir humanissime: & apud te si quis locus vacat, in album tuorum amicorum, ut coepisti me numerare. Rursum vale cum honestissima uxore tua, nunc feliciter impregnata. Feliciter faxit Deus, ut pariat: felicissime pulchra faciat te prole parentem. Colonia ex edibus meis, Pridie Idus Aprilis.

P R A E F A T I O.



ACTANTIVS Firmia-
nus libro secundo diui-
narum institutionum in-
quit, post omnia in mun-
dum creata, vltimò natum esse homi-
nem sic dicens: Et noluit Deus homi-
nem inducere in hunc mundum, ni-
si omnibus perfectis. Et sanctæ lite-
ræ docent, hominem esse vltimum
opus Dei, & sic in mundū inductū,
quasi in domum iam præparatam &
instructam: illius enim causa facta
sunt omnia. Quod & Gentiles poëtæ
testantur, vt Ouidius, dum de mun-
do, & omnibus creatis dixerat, sic de
homine inquit,

*Sanctius his animal, mentisque capacius alta
Deerat: adhuc, & quod dominari in cetera posset,
Natus homo est, &c.*

Vt scilicet rector & gubernator,
ac rex creatorum omnium in mun-
do, & Dei vicarius. Oportet nāque
prius

prius esse subditos & regnum, antequàm rex constituatur. Si igitur homo rex est: conuenit scire eius natiuitatem, imperium, & potentiam, & nobilitatem, vt de regibus vulgò scribunt Historici. Natus est homo è nobilissimo patre, Deo scilicet, ex limo terræ, vt nō nimium superbiat. Postquàm creatus erat, ex eius corpore addita est sibi fœmina: quā ac seipsū amaret, quia sciebat pater eius Deus, malè esse homini soli. Natus est, vel nascitur nudus in mundum, vt seipsum vestiatur non solum vestibus laneis vel lineis, sed & virtute: nascitur non pilosus, more bestiarum, vt pius & humanus sit, non immanis: nam pili in corpore atrocem ostendunt animum. Nascitur corpore debili, vt suis non fidat viribus ac bestię sed Dei imploret opem. Tamen robustorum animalium rex est constitutus. Huius regis, regiæ & dotes sunt.

sunt, quibus præpollet cæteris creatis. Aliam namque formam habet, quàm beluæ. Bruta formam habet pronā ad terram: homo ipse vultum erectum ad sydera, vt terrena despicat, & cœlestia plus amet, cogitetque secus sibi viuendum esse quàm brutis, ob formam nobiliorem. Insuper & reges suos habent consiliarios, quorum consiliis in regendo & gubernando vtuntur, dum ipsis amicè conuiuunt. Habent & suum Cæsarem, cui coguntur reddere rationem villicationis siue magistratus sui: aliās regno defunguntur: sic & homini regi mundanorum addita est ratio, tanquam consiliatrix, cuius consilium secutus si fuerit, prudēter reget & se & cætera terrena. Oportet quoque regem esse prudentem in imperādo, vt neque subditos offendat, neque suos consiliarios & aulicos, prouidēque habenas imperij mode-

rari, ne apud Cæsarem de se fiat querela, vt prouincia spoliatur. Ita oportet hominem regem mundanorum esse prouidum, in vtendis rebus propter se creatis, præsertim homine altero proximo suo, & simili figura, sermone & ratione sibi concessis: ac quomodo placeat suo Cæsari Deo, vt diu imperio fungatur, & præmium consequatur vtile. Quomodo igitur honestè se gerere debeat, sequentia ostendent.

VITA HONESTA

quid sit, ex quibus constet,

& quid prosit.

CAPVT I.



V M igitur homo natus sit in mundum post omnia creata, tanquam rector & gubernator omnium, ac villicus à Deo constitutus, ipsi sic viuendum est, vt suo Cæsari Deo placeat: vt à Cæsare suo in aulam cœlestē reuocatus per mortem (vt solent Reges vocari à Cæsaribus humanis) possit reddere suæ villicationis & dominij rationem. Istud autem vt possit, opus erit sibi vita nobili, probata, & regia, siue honesta. Nihil autem aliud est vita honesta, quàm hominem viuendo præstare brutis: & quantum per naturam fieri potest, habeat talem vitam, quæ sit Deo vtcunque similis, quæ nulla alia in re consistit, quàm in virtute. Virtus.

*Vita honesta
diffinitio.*

Virtus autem, est fugere vitia, & sequi honesta: id nāque virtutis, & officium & finis est. Per virtutem consistere vitā honestam & Deo placentem, testatur diuus Augustinus, dicens, Virtutem esse artem bene viuendi.

*Lib. de
Cinitate
Dei,
4. ca. 12.*

Et Baptista Mantuanus quid virtus sit, & quid profit homini, his verbis exprimit.

Virtutis querimonia ex Mantuano.

*Fortuna domitrix ego sum, scelerūque flagellū.
Utque hominē tuear, superūque in tecta reportē
Incolumem, Stygias omneis demolior arces.*

*Ars mea mortaleis ad olympia regna, Deūque
Hortari: monstrare vias, quibus itur in altum
Aethera: sum medium dirimens iter, orbita recto
Limite, quo monstrantur adhuc vestigia patrum.*

*Qua veteres cælo digni petiere Tonantis
Limen, vbi nūdis sunt lactea flumina campis.*

*Nescio delitias, nullum insidiosa voluptas
Mecum sœdus habet, mihi lis de limite regni.*

*Cum vitijs, multūque inter contraria pugno.
Nanque meos inter regnū mihi contigit hostes.*

*Me labor assiduus validam facit, otia frangūt,
Et quoties opus est armis, exterrita nullus*

*Congredior, vinci & succumbere nescia: si quod
condus*

*Pondus ab aduersis iniectum est casibus: aqua
 Mente fero: ipsa hominē doceo, variāsque per aures
 Erudiens, paucis dñs immortalibus annis
 Persimilem reddo: & tandem super aethera tollo.
 Ipsa feros hominum docui componere mores,
 Fons ego Castalius, Pallas ego: nomina plura,
 Res eadem: non sum morbo confecta, nec annis:
 Incorrupta virens, immortalisque supersto.
 Caelestes etenim nihil in me motibus orbes,
 Sydera nil radijs possunt, nil lumine Titan.
 Post igitur tantorū operū experimenta, fidēque
 Deseror: ignotū errans ingloria campū.
 Patrono mea causa caret, quia pectora plena
 Perfidia fastūque animos tollente superba
 Sceptra scelus rapuit: positi custodibus omnis
 Scrutatus regni fines, aditūque tuetur.
 Religio contempta iacet, spresūque Deorum
 Cultus abit, tritaque fides iam pallida veste,
 Infirmis titubat pedibus: pessundata legum
 Maiestas: tot monstra pios immania mores
 Inuasere: silet probitas: pudor exulat omnis.
 Sed videt, & iusta librat Deus omnia, lance.
 Et me (ubi tēpus erit) ipse in mea regna reducet.*

Vtinam nostro auo.

Plutarchus etiam apertiùs expri-
 mit quid virtus doceat: ipsam sub no-
 mine philosophiæ describens in li-

bro de educandis liberis, dicens, per
 eam scire quid honestū sit, quid tur-
 pe, quid iustū, quid iniustū, quid di-
 ligendū, quid fugiendū: quomodo
 parētibus, quomodo natu grandio-
 ribus, quomodo peregrinis, magi-
 stratibus, amicis, vxoribus, ac seruis
 vtendum sit: vtque deos veneremur,
 parentes honoremus, seniores reue-
 reamur, legibus obtēperemus, magi-
 stratibus cedamus, amicos diligere
 oporteat. In mulieres seruare mode-
 stiam, charos habere liberos, nō ser-
 uire cum seruis: & quod maximum
 est, in prosperis fortunæ successibus
 latitia nō effundi, nec in aduersis ca-
 sibus tristitia deprimi: nec omnino
 voluptatibus esse deditos: nec ita per-
 itacundiam effici, vt beluarum ani-
 mos induamus, quarum natura est
 esse immanes: hominum autem est
 humanitatem & pietatem colere.

Lucil

*Lucillius poeta virtutem sic
descripsit:*

*Virtus Albine est, pretium persolvere verum.
Quis inuersamur, quem viuimus rebus adesse.
Virtus est homini scire id, quod quaq; habeat res.
Virtus, scire homini rectū, vtile, quid sit honestū.
Quæ bona, quæ mala, item quid inutile, turpe, in-
honestum.*

*Virtus, quærendæ rei finem scire, modūque.
Virtus, diuitijs pretium persolvere posse.
Virtus, id dare, quod re ipsa debetur honori.
Hostem esse, atque inimicum hominum, morū-
que malorum,*

*Contrà, defensorē hominum, morūq; bonorū.
Magnificare hos, his bene velle, his viuere amicū.
Commoda prætereà patriæ, sibi prima putare:
Deinde parentū: tertia iam postremæque nostra.*

Diuisio virtutis.

Secūdum Ciceronē primo Offi-
ciorum, quatuor sunt fontes virtu-
tis, ex quibus alia scatent, & omnis
oritur honestas: scilicet prudencia,
iustitia, temperantia, & fortitudo.
Quarum quatuor officia sunt di-
uersa, teste Macr. in lib. de Somnio

Scipionis, qui ipsis hæc adscribit munera, dicens:

Prudentiæ esse, cognoscere, & addiscere, quomodo omnia sint agenda: nihil velle quàm quod rectum est, neque facere humanis actibus, diuino ingenio prospicere: prouidere pericula futura, & ab illis sibi cauere.

Fortitudinis autem officium est, non timere pericula: nihil metuere nisi turpia, forti animo tolerare aduersa & prospera. Fortitudo præstat magnanimitatē, fiduciam, constantiam, securitatem, magnificentiam, tolerantiam, & firmitatem.

Temperantiæ est, nihil appetere poenitendum: in nullo legem moderationis excedere: sub iugo rationis cupiditatē domare. Temperantiam sequuntur, modestia, verecundia, abstinentia, castitas, honestas, moderatio, parcitas, sobrietas, pudicitia.

Iustitiæ est seruare & cōferre vnicui

cuique quod suum est. De iustitia nascuntur hæ virtutes, Innocentia, amicitia, concordia, pietas, religio, affectus, humanitas. Cicero primo Officiorum, inquit, Primum officiũ iustitiæ esse, vt nemo alteri noceat, nisi prius iniuria lacepsitus. Secundò, vt communibus rebus vtatur, tanquam communibus: propriis autem vt suis. Fundamentum omnis iustitiæ est fides, scilicet dictorũ conuentorũque constantia & veritas. Lactatius libro sexto ait, duplex esse iustitiæ officium. Primum, coniungi cum Deo per religionem. Secundũ, cum homine per misericordiam & humanitatem. His virtutibus, dicit Macrobius, vir bonus, primũ sui & suorum, deinde reipublicæ rector efficitur, iustè ac prouidè gubernas humana, diuina non deferens.

Cap. 10

De virtutis & vitæ honestæ premio.

Vitæ honestæ siue virtutis, si quis

officium & præmium quæſierit, ſciat proprium eius officium eſſe duplex. Primò beare, id eſt, hominem facere beatum, poſt mortem, & in hac vita, ipſique Deo ſimilem: Ideò Vergilius cecinit:

*Pauci, quos equus amavit
Iuppiter, aut ardens euexit ad æthera virtus.*

Vel ſecundum Lactantium lib. 6. Officium virtutis eſt, iram cõhibere, cupiditatem compescere, libidinem frenare. Secũdo, ſuum alumnũ omnium verè ditiffimũ reddit: adeò vt nullius egeat, ſed omniũ habeat copiã, teſte Plau. in Amph. Comœd. ſic dicẽte, Virtus omnibus rebus anteit proſectò: libertas, ſalus, vita, res, parentes, & prognati tutantur & ſeruãt. Virtus omnia in ſe ſe habet: omnia adſũt bona, quẽ penes eſt virtus.

Nullius autem præmij vulgaris, & quod ab omnibus datur, cupida eſt virtus, neque honoris, neque gloria,

riæ, teste Silio poëta:

Ipsa quidem virtus sibi met pulcherrima merces.

Cui & Claudianus poëta hisce
alludit versibus.

Ipsa quidem virtus pretium sibi sola que latè

Fortune secunda nitet: nec fascibus ullis

Erigitur, plausu repetit clarescere vulgi.

Nil opis externæ cupiens, nil indiga laudis,

Diuitijs animosa sua, immotaque cunctis

Casibus, ex alta mortalia despicit arce.

Horatius:

Virtus repulsæ nescia sordida?

Intaminatis fulget honoribus.

Neque opes vel diuitias desiderat in præmium: quia illis est longè nobilior, teste Horatio:

Carmi.

lib. 3

Ode 2.

Vilius argentum est auro, virtutibus aurum.

Ideò Macr. in li. de som. Scip. inquit: Fructū & præmium virtutis, homo sapiens in cōscientia ponit: minus autē perfectus qui est, in gloria. Iubetq; ibidē Macr. Vt si quis in virtute perfectus fieri cupit, vt cōtētus sit in cōsciētiae præmio, id est, quòd scit virtutes, gloriam non requirat.

Lib. 2

cap. 10

Quomo

Q V O M O D O S I T
*acquirenda Vita honesta.
 siue Virtus.*

C A P V T I I.



H O N E S T A M vitam siue
 virtutem, qui allequi cu-
 pit, huic duo sunt neces-
 saria. Primò, vt animum
 suum præparet, quo dignus fiat vir-
 tute & honestate. Secundò, vt discat
 quomodo animo iam præparato,
 Virtus sit adipiscenda. Præparatio
 animi fieri debet per tria: scilicet per
 voluntatem promptam, quòd scili-
 cet voluntas eius sit, velle virtute
 proficere. Magnum nanque est cal-
 car ad honestatem velle honestus
 fieri. Nihil difficile est volenti: sicuti
 difficilius nihil est, quàm inuitum
 cogere velle. Ideò & prouerbiũ est:
Sultum est, canes inuitos ducere ve-
natum: id est, compellere ad studiũ
 aliquod

aliquod hominem inuitum, nolentem, & recusantem. Quare Comicus dixit; nihil tam facile est, quin difficile fiat, si inuitus facias. Lactantius libr. primo insti. Christianarū, dicit: Quod virtus colenda est, non imago virtutis: & colenda est, non sacrificio aliquo, ture aut precatione solenni, sed voluntate sola, atque proposito.

Habita volūtate & amore acquirendi virtutem, duobus aliis praeceptis, & animus ille voluntarius fulciendus est, & præmuniendus, scilicet patientia, & abstinencia, vt patiatur multa, & abstineat à rebus præsertim voluptuariis.

Opus est patientia magna virtutem cupienti; vt patiatur tum aduersa, tum laborem. Patiatur aduersa, & vt Vergilius ait in li. vj. Aeneidos, Non cedat malis: sed contrà audentior eat. Nam secundum Valerium libro sexto: Eneruos animos virtus odisse

odisse solet: id est, Virtus illos odio habet, qui sunt animis timidis, ad nihil audentes, & nullius cōstātiæ. Patientia & abstinencia esse opus ad virtutem acquirendā, indicat Horatius hisce versibus:

*Qui studet optatam cursu contingere metam,
Multa tulit, fecitque puer, sudavit & alsit,
Abstinent Venere & Baccho, qui Baccas cantat.*

Prudētius quoque ille poëta Christianus his decē versibus ostendit ad virtutem, opus esse patientia, dicēs:

*Omnibus vna comes virtutibus associatur:
Auxiliūque suum fortis patientia miscet.
Nulla anceps luctamen init, virtute sine ista.
Virtus nam vidua est, quam non patiētia firmat.
Desine grande loqui, frangit Deus omne superbū.
Magna cadunt, inflata crepant, tumefacta premuntur.*

*Disce supercilium deponere, disce cauere
Ante pedes foueam, quisquis sublime minari.
Perhulgata riget nostri sententia Christi.
Scandere celsa humiles, & ad ima redire voraces.*

De abstinentia.

Abstinentiam etiam rerum volu-

pta.

ptariarum ad virtutē nanciscendam
 esse necessariā, permulti eruditi sunt
 testati. Cic. lib. 4. nouæ rhetoricæ,
 inquit: Qui nihil in vita habet iucū-
 dius vita, scilicet voluptuaria, is cū
 virtute vitam colere non potest. Va-
 ler. Maxi. lib. 4. Quæ vrbs voluptati
 plurimum tribuit, imperium maxi-
 mum amisit, & libertatem tueri non
 potuit: quæ autē labore est delecta-
 ta, imperium seruauit, & libertatem
 aliis donare potuit. Lactan. lib. 6. scri-
 ptum reliquit, quòd triplex sit gra-
 dus virtutis. Primus est, à malis ab-
 stinere operibus: secundus, à malis
 verbis: tertius, etiam à cogitatione
 malarū rerum. Qui primū gradum
 ascēdit, satis iustus est, qui secū-
 dum iam perfectæ est virtutis, siquidē ne-
 quē factis, nequē sermone delin-
 quat: qui tertiū, is verē similitudinē
 Dei assequutus videtur. Est enim po-
 nē supra humanum, ne cogitatione
 quidem

quidē admittere, quod sit vel factu
malum, vel improbum dictu.

*Est igitur cuiuslibet virtuti studere vo-
lenti opus patientia & abſtinentia.*

Patientia, vt aduerſa & laborem
æquo animo ferat, otium deteſtetur
ſudorem & laborem amplectatur.
Nam Heſiodus poëta dixit : Deos
virtutē poſuiſſe in altum & arduum
vt per ſudores multos & anxios, eā
quærere oporteret. Hinc philoſophi
multi plus olei quàm vini cōſumpſe-
runt, plurimum ſudoris pertulerūt,
parum vel nihil otij egerūt. Otium
enim virtutē debilitat, labor ipſam
confortat. Abſtinentia etiā opus eſt,
vt à vitiis abſtineatur. Eſt namque
virtus, teſte Horatio, nihil aliud,
quàm fuga vitiorum.

Animo ſic inſtructo & præpara-
to, ſcilicet ſpontanea voluntate, pa-
tientia & abſtinētia, quis ſit modus
acquirendi tum virtutem, tum ho-
neſta

nestatem, perscrutandum est ab eruditorum scriptis & libris. Tradunt literarum autores, praesertim Laërtius in lib. de vitis philosophorum, quamlibet disciplinam tribus rebus indigere, scilicet natura, documento, & consuetudine, id est, ingenio, scientia, & exercitio.

His tribus ad virtutem opus est.

Ingenio nimirum acri, acuto, non agresti vel Bœtico. Nam Plato dixit, sapientem, id est, virtute praeditum, nullum perfectum esse posse, nisi cæteris ingenio præstet & artibus, ac prudentiæ partibus imbutus sit. Ingenio excellenti & præstanti omnes, tot quot olim fuisse leguntur philosophi, ingenijs floruerunt. Hinc Lactantius dixit lib. j. duos esse gradus sapientiæ primus, falsa intelligere: secundus, vera cognoscere. Omnis autem intellectus & cognitio constat & fit ingenio polito & compto.

Idem Lactantius lib. ij. ait: quòd sapientiam sibi adimunt illi, qui sine ullo iudicio inuenta maiorum probant, & ab alijs more pecudũ ducuntur. Quare ingenio opus est, tum ad virtutem acquirendam, tum aliorũ præcepta dijudicanda. Ingenio nostro, inquit Cicero in Tusc. quæstionibus, innata sunt semina quædam virtutum: quæ si adolescere liceret, ipsa nos ad beatam vitã natura perduceret. Si innata sunt nostris ingenijs semina quædam virtutum, certum est ex ingenio tanquàm thesauro progigni ipsas virtutes: per ingenium ipsum virtutes aut perscrutari quẽlibet, aut à docente melius imbibere & addiscere. Ideò veteres philosophi in disciplinam vel eruditionem suscipiebant nullũ, nisi eius ingeniũ prius perlustrassent & perscrutati essent: quod si obtusum fuerat, erudiendum non suscipiebant.

Nam

Nam, ut refert Quintilianus, cui ingenium deest, illi non magis profunt precepta, quàm sterilibus agris cultura: quantumvis colantur, fructum tamen non proferunt. Nulli tamen desperandum, cui ingenium contigit infœcundum, sed labor vehementior suscipiendus & subeundus, quo tandem duricies ingenij vincitur, teste Quintil. lib. j. cap. j. Præstat ingenio alius alium, sed ita ut plus efficere possit aut minus: nemo tamen est qui labore & studio nihil sit cōsecutus. Et si non ut optimus quisque fieri potest, ideò tentare omittere non debet: nam ut Horatius inquit: *Est quôdam prodire tenus, si non datur ultra*, id est, mediocrem facere profectum etiam & laudatur, si progredi non licet per ingenij ruditatem.

Inter ingeniosum tamen & ingenio carentem, duplex est differētia.

Prima: ingeniosus vltro & velociter virtutem consequitur, instar equi citati cursu, qui fræno retinendus est. Rudis verò ingenio, similis est equo, qui ad cursum calcaribus est adigendus: sic ingenium rude labore est acuendum. Hinc de Isocrate refert Quintilianus, qui duos habuit discipulos, Ephorum & Theopompum, alterum ingeniosum, quem dicebat egere frænis: alterum rudis ingenij, cui calcaribus opus esse dictitabat. Secunda differentia, Ingenium nobile non diu durat, vel quæ didicit, minimè retinet: vt præcocia illa pomæ citò putrescunt, sed dura & agrestia mollescunt serius, at durant longè diutius. Ingenium itaque durum labore etiam virtuti adaptatur. Nam Erasmus inquit: Eruditione mollescunt ingenia.

De disciplina, scientia, siue instructione.

Post ingenium, & arte siue instructione

ctione opus est: non enim sola natura vel ingenium sufficit, nisi & instructio accedat, quæ quod à natura imperfectum est, perficit. Ideò inquit Cicero lib. iij. nouæ rhetoricæ: quòd ars naturæ commoda confirmat & auget. Deinde in eadem rhetorica lib. iij. refert Cicero: Vt equus indomitus, quamuis bene natura cõpositus sit, idoneus nõ potest esse ad eas utilitates & artes, quæ desiderantur ab equo: ita neque homo indoctus, quanuis sit ingeniosus, ad virtutem potest peruenire, quoniam nõ potest virtus sine doctrina comparari.

Hinc quondam ducti Gentiles ilii, scholas publicas crexerunt, primum Athenis vrbe Græciæ excellentissima tunc temporis, & alijs in locis, vt in ipsis iuuentus instruere-
tur & scientia & moribus probis, quæ duo sine instructione ægrè acquiruntur. Ideò Aristippus Philo-

sophus indoctum & literis non eruditum; saxo & lapidi comparabat. Quæsitus enim quondam à patre quodam, quid filio suo prodesset, si literis instrueretur: respondit, Et si nihil aliud, saltem in Theatro non sedebit lapis super lapidem, nõ erit apud doctos tanquàm lapis. Virtutem acquiri instructione sciebant Ethnici, qui pædagôgos domi habuerunt, sub quorum ferula, ipsorum filij artes & virtutem discerent: id quod Atheniensibus vsque adeò religiosum fuit, vt legem statuérint: quòd filij non deberent cogi ad alèdum parètes senio confectos, nisi in iuuetute ab ipsis essent præceptoribus ad instruèdũ cõmissi, & virtute imbuti. Ad virtutẽ acquirendũ, duplici opus est instructione, muta scilicet & viua. Mutã dât ipsi libri, qui leguntur, qui docèt, tamen sine vocis sono. Altera præceptorum est viuorũ, qui ore

ore viuo proferunt & infundūt praecepta virtutis auribus adolescentū. Plus tamen viua praeſtat eruditio, quàm muta. Ideò veteres quidā philoſophi leguntur varias terras fuiſſe emenſi, neque vllas reliquiſſe inacceſſas. Pythagoras, Empedocles, Democritus, Plato ad percipiendā virtutem nauigauēre peregrē, hāc peregrinationibus ſulceptis inueſtigauēre. Non contenti fuerunt umbratico & lucernario ſtudio, quod intra parietes habuiſſe potuiſſent: ſed aliò ſe contulerunt, vbi quid eſſet, quod diſcere deceret: vbi eruditos ſciebant, nō libros, ſed philoſophos & inſtructores literatos.

Quatuor autem praeſcipuè autorum libri ſunt legendi: ſcilicet poëtarum honeſta ſcribentiū, hiſtoricorū, philoſophorum, & ſacræ ſcripturæ. Poëtae honeſti ad vitam honeſtam vſque adeò conducunt, vt olim

*An-
torum
libri
qui le-
gendi
ſint.*

ciuitates Græcorum eruditissimæ,
liberos suos in poëtis primùm eru-
dirent: solum poëtas, sapientes esse
dictitantes. In poëtis pueri virtute
instruuntur, vt verissimè dixit Ho-
rati^{us} in Epistolis:

*Os pueri tenerum balbūmque poëta figurat:
Mox etiam pectus præceptis format amicis.
Instruit exemplis, inopem solatur, & agrum.*

Secundò, libri historicorum, qui
nobis egregiorum heroū gesta, mo-
res, & fortunas proponunt. Ex quo-
rum vita laudabili, & bene viuendi
modus acquiritur: & ex temeritate
aut infelici ipsorum casu cautiores
fieri licet: id quod pulchrum est, a-
liorum insania frui. Ideò Diodorus
dixit: Pulchrum est ex aliorum erra-
ris in melius instituere vitā nostrā:
& quid appetendum, fugiendūue
sit, ex aliorum exemplis posse cogno-
scere. Historia, inquit Beroaldus, ad
id quod honestum est, inflammat,
dete

detestatur vitia , probos extollens, improbos deprimens. Tertiò philosophorum libri, qui de virtute præcepta dederunt: vt sunt Ethicorum decem libri Aristotelis, Cicerónis tres libri Officiorum, Lactantius de Diuina institutu. Erasmus de instituendo principe Christiano, multique alij, qui honestum viuendi modum descripserunt. Quartò, sacræ scripturæ libri, qui Deum agnoscere docent: quem agnoscere vt creatorem omnium, ipsūque esse vnum, est vera hominis sapientia, vt inquit Lactantius libro secundo.

Deum agnoscere, vera hominis sapientia.

Paupertatem non obstare virtuti.

Non est quòd quidam paupertatem incusent, quò minus virtuti studeant. Paupertas nanque olim (vt inquit Apuleius) Philosophis fuit vernacula. Et quemcunque constat in aliquam venisse laudem, illū paupertas ab incunabulis est nutrita.

*Pauper
tatis
laus.*

Paupertas vetera apud secula, omnium ciuitatum fuit conditrix, omnium artium repertrix, omnium peccatorum inops, omnis gloriæ munifica, cunctis laudibus apud omnes nationes perfuncta est. Hæc Apuleius. Si quis igitur paupertate premitur, sequatur Cleantem philosophum, qui inopia coactus, nocte aquas pretio hauriebat, ut interdum victum haberet, quod commodius literis incumberet. Laboraret etiam & ille, dum tempus est, ut mereatur unde viuat, & virtutem cõparet, quæ etiam & laboratibus manu, aduenit. Hinc Seneca dixit: Virtutem in templo inuenies, in foro, in curia, pro muris stantem, puluerulentam, coloratam, callosas habentem manus. quo nihil aliud videtur ostendere, quàm quod etiam laboriosos homines virtus adamat, & amplectitur.

An sine doctrina possit virtus acquiri.

At diceret aliquis: Multi indocti sunt

*Lib. de
vita
beata
ca. 7*

sunt, neq; vnquàm literas didicerūt,
& tamen honesti viri habiti sunt, &
æstimati. Respondendum est, quòd
vtique multi ingenio optimo ducti
sunt ad virtutem sine doctrina, teste
Cicerone in libris Orationum sic di-
cēte: Ego multos homines noui, ex-
cellenti animo, & virtute fuisse, &
sine doctrina, naturæ ipsius habitu
propè diuino per seipso: & modera-
tos, & graues extitisse vidi. Etiam
illud adiūgo sæpius ad laudē & vir-
tutem: Naturam multò melius sine
doctrina, quàm sine natura valuisse
doctrinam. Atque idem ego conten-
do, cū ad naturam eximiam atque
illustrem accesserit prætio quadam,
cōfirmatiōque doctrinæ: tum nescio
quid præclarum atque singulare so-
lere existere. Hac Cicero.

De exercitatione.

Præter ingenium & scientiā, ter-
tiò exercitatione diligenti vtendum
est

est: aliàs nequicquàm studeret quispiam pro virtute acquirenda. Teste enim Cicerone tertio lib. nouæ rhetoricæ: In omni disciplina infirma est artis præceptio, sine summa assiduitate exercitationis: tum verò in memorijs minimum valet doctrina, nisi industria, studio & labore, & diligentia comprobetur. Et Lactātius libro tertio inquit: Artes ideò discuntur, non vt sciantur, sed vt exerceantur. Exercentur autem vel ad vitæ subsidia, vel ad voluptatem, vel ad gloriam. Cicero in Officijs scriptum reliquit, Quòd omnis laus virtutis non in cognitione, sed in actione consistit: id est, parum est noscere, vel scire, quid virtus sit, quid honestum, & quid vitiosum, nisi & ipsam operemur virtutem.

Erit autē hac exercitatio sciētiae cognita vel audita pro virtute acquirenda.

Ex quatuor illis libris, scilicet poetis

tis, historicis, philosophis, & sacra
 scriptura, si fructum & commodum
 veræ virtutis & honestatis cupimus,
apum in colligendo melle sequa-
 mur consuetudinem, oportet. Solent
 apes mel congerentes, varios circum
 volitare flores, multos degustare flo-
 sculos, succi aliquid exugere, deinde
 non nihil humoris secum aduehere
 in aluearia, quod deponunt, & con-
 stipant in mel futurum: idque sæpius fa-
 ciendo tandem multum coaceruant
 mellis, dulce laborum premium. Nō
 secus & literarum, & virtutis quis-
 que studiosus qui fuerit, & aliquan-
 do in virum euadere cupit, quadru-
 plicem debet habere exercitatio-
 nem. Prima exercitatio, vt ex illis,
 quæ legit, vel audit, vtilia quæ erunt
 ad eloquentiam vel virtutem, illa
 excerpit in librum raptitium, tan-
 quàm memoriæ custodem, quic-
 quid vsquam legerit, quod eloquen-
 tiam

tiam iuuat vel virtutem. Nam vtraque re opus est egregio viro, teste Cicerone primo libro veteris rhetoricae, sic dicente: quod sapientia sine eloquentia parum profit ciuitatibus: eloquentiam verò sine sapientia plerumque obesse, prodesse nunquam. Habebit igitur quisque studiosus libros raptitios duos, in quos audita vel lecta excerpant. In vnum, quod eloquentiam, in alterum id quod virtutem docet: instar auari thesaurum colligentis, qui diuersos habet loculos, in quos argentum seorsum, & in quem aurum solum deponit. Hæc exercitatio fuit Plinij Naturalis historiae auctori, de quo scribit Plinius secundus, eius auunculus in epistolis, quod nihil legit, quod non exciperet. Secunda exercitatio: excerpta memoriae includat, cogitetque se illis quandoque velle vti, teste Macrobio libro sexto: Saturnaliū dicente.

Hunc

Hunc esse optimum modum legendi vel audiendi, imitari ea quæ in aliis probas: & quæ maximè miraris inter dicta aliorum, illa in aliquem vsum tuum conuertere. Id quod Latini inter se fecerunt: simul & Græci excellentes viri solebant. Hæc Macrobius. Non enim illud est autorem aliquem audire, discere eius verba, vel orationes intelligere: sed ex suis scriptis sibi eloquentiam & rectè viuendi modum colligere: sicuti non prodest cibus corpori, ori & faucibus impositus solum, nisi & in stomachum descendat, & ibi concoquatur, & tandem in sanguinem ac carnem vertatur. Ita neque lectio audita vel lecta prodest, nisi in loquendi vsum, & magis sapiendi conuertatur. Tertia exercitatio hæc erit: vt in dies aliquam lineam ducat: exemplo Apellis pictoris, qui quotidie quantunvis occupatus esset, ad minus tamē lineā
pin

pinxit, vel traxit. Sic & auari solent, qui in dies numumvnum seponunt, in futurum thesaurum. Parua namque pusillis saepe addita, multa tandem fiunt teste Hesiodo poeta.

Paruula si tentas superadiecisse pusillis:

Idq; frequēs peragas, magnus cumulatur aceruus.

In hac exercitatione laborandum non est, vt in dies quàm multum discamus. sed vt quàm doctè & bene. Ideò Apelles cuidam pictori indocto, gloriàti quòd imaginem quandam subitò & citò depinxisset, respondit: Non demiror illud: nam & multò plures tam ineptas imagines, citò pingere posses. Quare Catonis est sequenda sententia: Sat citò, si sat bene. Inde Augusto Cæsari adagium fuit: Matura lentè: id est, festina lentè in opere, id est, prudenter non nimium. plus enim prodest progressus parum velox, & prouidus, quàm velocissimus sine arte & ratione. Quar

*Suetonius in
Augusto.*

ra & vltima exercitatio, vt ad vesp-
ram per diem audita vel lecta, repe-
tantur: quem morem Catoni fuisse
dicit Philelphus libro secundo de pue-
rorum educatione: & Apuleius scri-
bit de quibusdam in India, qui voca-
bantur Gymnosophistæ, qui neque
terram colere sciuerunt, neque agros
arare, neque equos domare, nec tau-
rum subiicere, nec ouem tondere: ta-
men mirum in modum sapientiam
colebant, & magistri senes, & disci-
puli iuniores: nihil tam odio haben-
tes quàm animi torporem & otium,
Postquàm mensa erat strata, prius-
quam edulia apponerentur, omnes
adolescentes ex diuersis locis, & offi-
cijs ad dapes cōueniebant: tum ma-
gistri rogabant eos, quid boni à lu-
cis ortu, ad illud tempus diei fecis-
sent. Tum vnus commemorabat se
inter duos fecisse pacem, & concor-
diam: alius parentibus quippiam


imperantibus obediuisse: alius meditatione se aliquid excogitasse: alius quippiam se didicisse. Qui aut nihil afferre, vel dicere poterat: foras impransus ad laborem extrudebatur. Hec Apuleius. Sic & studiosus quisque ad vesperam apud semetipsum sequatur ouium naturam, quæ vesperi in stabulis, è pascuis pulsæ, ruminant, id est, rursum edunt, & dentibus coterunt pabulum in die decerptum. simul & pastori suo lac præbent de gramine per diem decerpto. Sic & studiosus virtutis, lecta vel audita, vesperi repetat, tam quæ ad eloquentiam, quàm quæ ad virtutem conducunt. Secundò, ea ipsa in lac vertat: id est, in vsum utilem, & honestum suæ vitæ vsurpet, & erga alios exhibeat id in quo profecit: sicuti oues suo pastori se ostentant lacte per diem gramina se corrosisse, non otio diem transegisse. Proderit & hoc

non parum, imò. maximè cum alio
certare, vter in eloquentia, vel virtu-
te plus progressus sit. Tum enim
quisque experitur, quantum, aut
sciat, aut nesciat, dum cum alio se
confert. Ideò scribit Suetonius in li-
bro de illustribus grammaticis,
quòd olim in scholis literariis hic
mos fuit, vt scholastici ante meri-
diem inuicem disputarent: sed
post meridiem seposi-
tis libris decla-
mitarent.

* * *

D 2

*Deus solus adorandus est
Ergo sancti non sunt adorandi*



APVD SEIPSVM

quis decor, virtus vel honestas seruanda sit, in omni etate.

CAP. III.



VIRTUTIS, siue honestatis vita consistit in duobus: scilicet ornatu sui ipsius, deinde in honesta actione erga alios, teste Macrobio, in Somnium Scipionis, libro primo, capite septimo, dicente: quòd per virtutem vir bonus, redditur primum sui ipsius rector, deinde reipublicæ. Primum decet seipsum regere, & rectè instituire, priusquam aliū doceamus. Hinc quæsitus Thales Milesius philosophus, quis verè rex esset, respondit: qui seipsum regit, ne ipsi dicatur. Tecum habita, vt noris quàm sit tibi curta supellex. Quomodo autem deceat

ceat per virtutē instruere aut regere
seipsum, sedula opera discēdum est,
& sequētia vtcunque demōstrabūt.

*Sex praecepta seruanda illi, qui
seipsum honestè & instruere &
regere vult.*

Primum praeceptū, discat tacere.
Silentium plus admet, quàm loqua-
citatem. Taciturnitas enim pruden-
tem virū indicat: sed garrulitas stul-
tum, qui tacere nequit. Tacendo (in-
quit Macrobius Saturnalium libro
septimo, capite primo) Philosophus,
non minus philosophatur, quàm lo-
quēdo, id est, non minus est signum
sapientiæ tacere, quàm loqui. Hinc,
vt ait Apuleius, Pythagoras primū
hoc nomine philosophus vocatus,
nihil prius docuit discipulos suos,
quàm tacere: primāque eius instru-
ctio discipuli, futuri sapientis, erat
linguam coërcere, & verba premere
intra vallum dētium. Socrates quo-

que interrogatus à quodam, quomodo quis sapiens fieret, duo præcepta ipsi dedit: primum, vt taceret sapius, quàm loqueretur: alterum, vt loqui disceret. Tacendum esse sapius, quàm loquendum, patet per tria signa. Primo per naturam, quæ contulit homini os vnum, & aures duas, vt minus loqueremur quàm audiremus. Secundò, per veterum Romanorum consuetudinem. Solebant enim Romani pingere Angeronam, Deam silentij, ore sera obsignato. & Aegyptij Harpocratem Deum silentij depinxerunt, duobus digitis os occludentem. Tertiò, per antiquorum philosophorũ doctrinam, qui nihil vſque adeò damnabant in homine, quam multiloquium, dicentes: ideò naturam dedisse homini dentes, & labia antelinguam, vt ipsam cõprimeret, ne nimiũ effutiret. Ideo Xenocrates philosophus, quæsitus de suo silen

silētio,respondit: Se nunquàm pœ-
nituisse quòd tacuisset, sed persæpe
quòd locutus fuisset.Secundũ,præ-
loqui discat,quæ scilicet verba loqui
deceat:non mendacia, neque ficta.
Nam qui audet loqui ficta, & non
visã:niger est, teste Horatio. Neque
ea verba,quæ,vt Plinius inquit,sunt
reditura per iugulum,id est,loquēti
nocitura: neque verba detractato-
ria, quibus alteri honor detrahitur:
neque verba arcana,aut inter pocu-
la dicta, sed solũ ea quæ honesta
sunt,pudica,vtilia, & vera. Cætera
omnia tacenda sunt virtutis cultori.
Ideò Ouid.dixit:

Eximia est virtus prestare silentia rebus:

Et contrà,gravis est culpa tacenda loqui.

Inloquendo igitur hæc lex est ser-
uanda:vt locuturi nos videamus,an
deceat pro loco,pro tempore,& quò
ad præsentes alios.Secundò,tum lo-
quamur,quando silentiũ aut nobis,

aut aliis est nociturum. Tertiū præcaueat, vt nequid nimis agat, vel faciat, id est, vt in omnibus rebus modum obseruet: neque nimium agat malum, neque nimis modicè quod bonum est. Terentius in Andria, scena prima: Nam id arbitror adprimè in vita vtile esse, Vt ne quid nimis, id est, mediocritas seruetur. Hinc eruditi dixerunt: Virtutem in medio positam.

Horatius:

*Est modus in rebus: sunt certi denique fines:
Quos ultra, citràque nequit consistere rectum.*

Virtus consistit in mediocritate: & in excessu vitium est situm. Quare in omni re mediocritas & modus laudantur, excessus semper vituperatur. Indè Hesiodus poëta dixit: Dimidium plus toto, id est, plus laudatur in reb^{us} mediocritas, quàm ipsa nimietas: Nam & vulgi prouerbiū habet: Omne nimium in vitium
verti

vertitur. Cleobulus Lyndius vnus septem sapientū Græcia, dixit: Optimus est modus in re qualibet. Quartum præceptū, Vitet & fugiat illud, quod ipse in altero carpit, testimonio Diogenis philosophi dicentis: Si vis bonus, & virtute præditus effici: expelle à te, quod in alio despicias. Et Cicero dixit: Omni carere vitio debetis, qui in alium paratus est dicere vitium. Facillimè autē & acerrimè aliorum cernimus crimina, sed nostra ignoramus & celamus.

Si quis in seipsum descenderit, & secū perpenderit qualis ipse sit, animo nempe iuxta vitioso: tum cessabit mordere alium, & prius seipsum à yitiis purgabit, virtutēque ornabit. Ideò saluator noster I E S V S C H R I S T V S in Euangelio, ad virtutem nos hortaturus, iussit: Ut prius ex oculis nostris trabem eiiceremus, tum deinde alteri festucam:

nos prius curaremus, nobis medicaremur, tum aliis.

Quintum præceptum, Vtranque fortunam ferre discat, prosperã scilicet, & aduersam: nõ nimiũ exultet in fortunæ prosperitate, ne subitò mutata fortuna, ipsum nimiũ perturbet, & contristetur. Neque in aduersitate nimium doleat, exemplo Socratis, qui in vtraque fortuna, eodem vultu & animo fuisse legitur. Ideò & Plato olim quæsitus, per quod homo sapiens agnosceretur, respondit: Homo sapiens cùm vituperatur, non irascitur, & nõ extollitur nimiũ, cùm laudatur. Virtus nãque superbiam nescit, quia vitiũ est: neque desperationẽ & iram admittit, quia etiã vitia sunt. Quare vulgò est prouerbiũ: Qui homo in aduersis rebus pusilli est animi: ille nauci non est. In vtraque igitur fortuna, prospera siue aduersa, sequẽda est cõsuetudo

do cuiusdā philosophi, qui in rebus prosperis tristabatur, sciēs post læta, ventura tristitia: in rebus aduersis lærabatur, expertus post malum sequi bonū. Nā mutabilis est fortuna. Ita & nos in prosperitate cogitemus tristitiā aliquā sequuturam. Nam teste Plauto in Amphitri. Ita diis visum est, voluptati vt mœror comes subsequatur. In aduersis ita cogitemus: Dabit Deus his quoque finē, vel illud Vergilij: Et hæc (scilicet mala) olim meminisse iuuabit. Sextum & vltimū, Studeat placere bonis & prudentibus: quibus placere, maxima, & laus & virtus est. Nam qui illis placeat: eum oportet quoque aut bonum esse, aut saltē fieri. Boni nanque non nisi bonos amāt, & mali malos. Debere autē illū laborare, vt bonis placeat, qui virtutem exoptat, liquet ex Seneca, dicente: Aliquis vir bonus eligendus est nobis, ac semper
ante

ante oculos habendus, vt sic viuamus, tanquã illo spectante & oĩa faciamus, tãquàm illo vidente. Facilè enim ille bene viuet, & secūdū virtutē, qui ad voluntatē & regulā, vel ante oculos bonorū viuit, & versatur: nō secus ac ante speculū mulieres sese ornantes, tandē venustissimè ornata, pròdeunt in publicum.

*De diuersarum ætatum moribus
& virtutibus*

Virtus, siue honestas, hominē licet deceat, & ornet: tamen ætate diuersa diuersi mores honestatis exiguntur. Nam prouerbum est: Alia vita, alia diæta, alios mores postulat. Non enim eadē cōducunt omni ætati: sed alia decent pueritiam, alia iuuentutem, alia adolescentiā, alia virum, & senem. Cum ætate nanque mutatur natura: ideò & mores sunt variandi. Sunt autem sex ætates hominum: scilicet infantia, pueritia, iuuentus, ado

adolescentia, ætas virilis, & senectus: quarum quælibet habet sua officia, & mores, vt sequitur.

Infantia unde dicta.

De infantia.

Infantia prima est ætas hominis post natiuitatem: sic dicta, quòd non fari potest. Illi nulli possunt mores præscribi, siue virtutes, quia nõdum est rationis compos, neque linguæ habet vsum, neque intellectu vtitur. Ideò solùm nutricis siue matris instructione viuatur, oportet.

De pueritia.

Pueritia, secunda est ætas, quando infantes loqui incipiunt, nondum habentes plenũ rationis vsum. Dicti sunt pueri fortè à Bua, id est, porione puerili, quam Buam vocāt, verba prima proferentes imperfectè sine prudentia, ratione & intellectu. Hi sunt docendi per parentes, vt honestè viuere incipiant: hisce moribus scilicet, vt Deum agnoscant, & colant

Pueri unde dicti.

colant corde, & orationibus simul;
& diuam virginem Mariam, vt
consulit Hermannus Buschius in
carmine, vbi hortatur pueros ad vir
tutem. Sint obedientes parentibus,
senes reuerèantur. A ludo, & prauo
rum consortio absint, ne vitiis macu
lentur priusquàm ratione rectè vti in
ceperint, quo nihil potest esse odio
sitis, teste Apuleio, sic inquit:
Puerum quis non oderit, cùm vi
deat ipsum velut monstrum quod
dam, prius robustum, & scelere ple
num, quàm ætate: prius nocentem
crimine, quàm corpore potentem,
paruum annis, sed magnum mali
tia. Nondum tamen perfecta pru
dentia in puero potest, exigui aut ha
beri, cùm in ipso dominetur puerili
tas ipsa, & nouæ mentis imbecilli
tas: idè & puppis ludit, & equitat
in arundine longa. Ob id tamen ei
indulgendum nimium non est, ne
in vi

in vitia inclinetur & flectatur, semperque morbidus maneat. Nā quod teneris in annis imbibitur, vsque ad sepulchrum retinetur. Quare instruendi sunt diligenter in his præceptis, vt tradit Philelphus libro octauo de Educatione liberorū, scilicet vt Deum colant, obedientes sint, & verbis, moribus, corpore, ac vestibus ornatum habeant. Nō sint loquaces, aut mendaces, non bestię, prauis moribus, corpore non pigri, vt aselli. Neque immundi, vt sūes involutabro: aut vestibus pessimè pexis, vt mendici: aut sordidi, vt capræ sordidatæ: neque animo indocti maneāt, instar lapidis, aut asini Arcadici. Et septimum annum postquā attigerint: præceptoribus literariis cōmittātur. Id nanque solebāt Gentiles, vt testis est Philelphus lib. ij,

De Iuuentute.

Iuuetus, ea est ætas, quæ proxima
est

*Iuuen-
tus vn-
de di-
cta.*

est pueritiæ (licet secūdum Perotū
ipsi Iurisconsulti ponant, & nume-
rent iuuentutem post adolescentiā,
vsu tamen præponitur (dum scilicet
iam perfectè fari possunt filij, &
præceptoribus commissi sunt, aut
apti vt committantur. Dicta autē est
iuuentus (vt ait Perotus) à iuuando,
quia viribus fit apta ad iuuandum
parētes. Expedire nanque potest ne-
gotia commissā, & ad labores non-
nullos ferre opem, aut manū admo-
uere. In hac ætate fugienda est secū-
dum Quintilianū libro primo, ca-
pite tertio, mollis educatio. Educatio
enim illa mollis, inquit, corrūpit &
corporis, & ingenij neruos. Quid
igitur adultus faciet, qui in purpura
repserit? Delicatè autē in ista ætate
qui aluntur, omni in vita lautitias
experunt: quas si cōsequi nequeunt,
quantū cupiunt, laborant per fas, &
nefas suo palato delicatè satisfacere:

&

& tandem in otium, ludum, & fur-
tum, ac omne malum ruunt. In hac
ætate pueri Romanorū bullā, quam
in collo gesserūt ab infantia, foribus
suspendunt in templū, tanquā
pueritiæ renuntiantes: & in poste-
rum exuere volētes mores illos, quos
pueri habuissent: toga alba & candi-
da induebantur, cum purpura præ-
texta, vel præposita, in exemplū vitæ
candidioris, melioris & honestioris:
vt togæ albedinem aspicientes, fuge-
rent vitia, quæ homines denigrant,
& alijs odiosos reddunt, purpuræ
splendorem videntes, cogitarent &
conarentur, vt sic eorum splenderet
vita, quò omnibus cōmendaretur.

Erunt autem hæc officia iuuenum.

Deum in primis venerari oratio-
nibus, & corde puro. Deinde paren-
tes: proximè præceptores. Illis tribus
auscultare, ac fugere quæ prohibēt,
exequi quod præcipiunt. Dei man-

*Dei manda-
ta pue-
ris di-
scenda.* data discant, audiant, quærant, &
exequantur. Quòd autem tribus his
obsequendum sit iuueni, facile pa-
tet. Nā ab ipsis pendet vita nostra, à
Deo animam accepimus, à parenti-
bus corpus, à præceptoribus animæ
instructionem, per quam vita no-
stra differt à brutis. Ideò vt simus
grati, ipsis est obsequendum.

*Adole-
scentia
unde
dicta.* *De adolescentia.* Adolescentia quarta est ætas, quæ
incipit ab anno decimoquarto vitæ
nostræ: dicta adolescentia, à verbo a-
dolesco, quod significat cresco. Nā
tum temporis homines adoleſcunt
corpore, viribus, ratione, vitijs, & vir-
tute: magis tamen ad vitia flectun-
tur, quàm ad virtutem: ac tum prius
cognoscitur cuiuslibet natura, ad
quid scilicet inclinatus sit. Nam an-
teà agnosci non potuit, propter æta-
tis imprudentiam. Facti enim ado-
lescentes (vt inquit Teren. in And.)
ani

animum suum ad aliquod studium applicant, aut equos alere, aut canes ad venandum, aut ad philosophos colendum & discendum. Cui & Horatius consentit in arte poëtica:

*Imberbis iuuenis, tandem custode remoto
Gaudet equis, canibusque, et apri cingamine capi.
Cereus in vitium flecti, monitoribus asper,
Vtilium tardus prouisor, prodigus aris,
Sublimis, cupidusque, & amata relinquere per-
nix.*

Hæc ætas, adolescentia scilicet, est duplex: Prima, ab anno decimo quarto, ad annum decimū octauum durat: & dicitur adolescētia Ephæbia, quia illis annis, imberbes sunt adolescentes: sicuti olim Phæbus, id est, Apollo in templis gentilium stabat sine barba, ut ait Valerius Maximus libro primo de Neglecta religione, de Dionysio Tyranno Syracusano. Anno autem decimo octauo, prima quæ crescit barba, & tum dicuntur adolescentes ex Ephæbis excedere, &

tendere ad ætatem virilem. In omne genus vitiorū hæc ætas hominē adoleſcentē præcipitat, in otiū, ludum, inobedientiam, crapulam, luxuriā, ſcortationem, ſuperbiam, prodigali tatē. Sua inaniter dilapidant adoleſcentes, nihil ſoliciti poſteræ vitæ, vt omnes teſtantur Comœdiæ: quę nihil aliud de adoleſcentibus dicunt, quàm quòd ſua fornicibus & conuiuijs infundunt.

Quomodo à parentibus vel præceptoribus adoleſcentes ſint ad virtutem & honeſtatem ducendi.

Cū igitur hæc ætas præter omnes alias ætates ad vitia ſit procliuſ: in diēſque magis in ipſa ſe dedat per adoleſcentiæ libidinem, inſtar iuniorum hinnulorum, quos iuuentus titillat: ideò ſunt frænādi adoleſcentes, aut à parētibus, aut à præceptoribus, nō ſecus ac equi indomiti ab inſeſſore calcaribus domantur,
& c.

& cicurantur. Quatuor autem præceptis, parentes vel præceptores ipsos adolescentes ad bonam frugem ducere debent: scilicet, instructione, monitione, promissione: vltimò, laude, & minis.

Instructio sex constat præceptis.

Primò doceantur adolescentes, Deum esse adorandum, & venerandū in primis & ante omnia: qui cuncta creauit, pascit, & conseruat: nihil mali impunitum relinquens, nihil boni irremuneratū: bonis dans præmium æternum, malis supplicium perpetuū: sine ipsius gratia & fauore, nihil posse nos hoīes, neque momentū quidem viuere: ideò cauendū, ne mala vita ipsum offendamus.

Secundò, Non esse confidendum in bonis terrenis, præsertim non in corporis pulchritudine. Nam forma corporis est admodum fragile bonū. ideò Virg. dixit Eclo. 2.

O formose puer, nimium ne crede colori.

Alba ligustra cadunt, vacinia nigra leguntur.

Neque nimis doleant, si corpore sint deformes: sed laborēt, ut pulchri fiant animo. Nā, ut inquit Frā. Petrarcha, in libro de adversa fort. Pulchrius est pulchrū fieri, scilicet scientia & virtute: quā pulchrum nasci, scilicet corpore. Hoc praecepto Socrates instruebat suos discipulos, iubens eos saepe inspicere speculum: ut si viderent se corpore formosos, laborarent ut & pulchri fierēt animo. Corpus enim animū concludens inquinatum: sepulchrū est pretiosum & venustū, continēs cadauer putridū.

Matth.

23

Ideò CHRISTSVS, in Euāgelio Pharisæos vocabat sepulchra dealbata: quòd apparerent religiosi, ac boni, sed intus lupi essent rapaces. Sin corpore essent deformes, iussit Socrates, ut & animi quærerent pulchritudinem scientia & virtute, quæ
nob

nobilior esset, & longius duraret, quàm corporis forma. Tertiò, Neque in diuitijs, in opibus, siue pecunia multa, spè ponât: sed in sola sciëntia ac virtute, cōfidât se diuites & felices futuros: nam solùm doctum & sapientem verè esse diuitem. Diuitias vulgares perire citissimè. multos nāque quondā fuisse ditissimos: sed citius dicto factos infortunatissimos, vt legitur de Cræso, rege Lydorum opulentissimo. Diuitias non esse dignas, vt amentur, tanquā bona pretiosa. Nam Cicero refert quarto libro nouæ rhetoricæ, Si voles diuitias comparare cum virtute: vix satis idoneæ erunt, vt sint virtutis pedisequæ siue famulæ. Ideò adulescentes, dum ingenium viget, & ætas, comparent sibi viaticum ad senectutem, scilicet virtutem & scientiam. Per illa enim in senio acquiritur honor, salus, laus, & vitæ

tus. Quare Thales Milesius philosophus olim quæsitus, quid adolescentes discere deberent, respondit: Illa quibus in senio essent vsuri, indicās virtutē & sciētiā. Quartò, quicquid nocere alijs viderint, vel alios vitiant, illud ipsi fugiant, & per aliorum damna, sapere incipiant, & vitā suā in melius conuertant ac instituunt.

Quæritia pueri fugienda.

Quæ autē alios vitiant, & alijs incommo-
dant, sunt hæc, inobedientia, mendacium, garrulitas, infidelitas, improbitas, & ludus, ubi pretio luditur, scortatio, ebrietas, prodigalitas, otium, & prauorum societas. Quintò proponantur ipsis exempla bonorum & malorum hominum, & dicatur vita & finis ipsorum: malos malo esse donatos præmio, bonos autē bono. Hinc veteres Romani adolescentes in principio adolescentiæ induebantur toga virili, ut paulatim inciperent, ac tenderent ad vitam

viro

viro honesto dignam: deinde ducebantur ad publicum forum, nimirum ut agnoscerent, & viderent communem hominum vitam esse duplicem, vitiosam scilicet, & virtutis: vitiosam malum sortiri exitum & finem, sed virtutis viam, primò esse arduam & senticosam: tandem tamen premio donari bono, & perpetuo. Ideò Hercules quondam factus adolescens, elegit seruire virtuti per laborem, sciens post laborem sequi premium, quàm vitij seruire per otium, ut de ipso scribit Cic. 1. Offic. Sextò, exerceantur labore & fatigatione: non otio deditos esse patiantur, ne in libidinem inhonestam cadant. Nam testante Ouidio:

Otia si tollas, perière Cupidinis artes.

Ideò veteres Romani suos liberos exercebant dimicando, pugnando, & natando. Exercendi igitur adolescèntes opera assidua, more equitum, qui

in dies equos indomitos stabulis educunt viciatim, aut in campum, vt calcaribus & fræno currendo assuefiant, non torpore putrescant.

De Monitione.

Secundò præter instructionem, parentes vel præceptores admoneât adolescentes erroris. Si in aliquo errauerint, doceri debent quid melius sit factu & honestius. Sæpe corâ ipsis verba fiant de honestate, & viris honestis, vt sic tandem per assiduâ monitionem fiant honestiores. Nâ verba mouent animos: & quod quis sæpißime audit, id cordi includit. Admoneantur autem, vt honestorû parentum, cognatorum, & agnatorum sequantur vestigia. Sic Aeneas duodecimo Aeneidos hortatur & monet filium suum Ascanium, vt ex se patre suo discat virtutem dicens:

*Disce puer virtutem ex me, verumque laborem,
Fortunam ex alijs, nunc te mea dextera bello,*

De

*Defensum dabit, & magna inter præmia ducet.
Tu facito, mox cum matura adoleuerit ætas,
Sis memor.*

De Promissione.

Tertiò promittatur eis, se magna accepturos præmia, & à nobis; ubique & semper, si virtutē fuerint secuti, ut in Epistolis inquit Horatius:

*I bone quò virtus tua te ducit, i pede fausto,
Grandia laturus meritorum præmia.*

Pergite ô adolēcentes, quò virtus vos ducit, magna accipietis præmia: omnia enim ad sunt illi, & ipsi nihil deest, qui virtutem habet, teste Plauto in Amphitr. Comœdia.

De laude & minis.

Ultimò & quartò laudentur adolēscētes, si in virtute & honestate proficere & progredi visi fuerint. Nam laus magnū est calcar ad susceptum peragendum negotiū: ut hisce versibus refert Ouid. 5. lib. Tristium:

*Denique non paruas animo dat gloria vires,
Et sæcunda facit pectora laudis amor.*

Omnes

Omnes enim, ut inquit Cicero, trahimur & laudis cupiditate & amore. Quintilianus quoque iubet laudare adolescentes, saltem ad bonam frugem proficientes. Sin desides fuerint ad virtutem & honestatem amplectendam, neq; pia audierint monita, tum minis cum ipsis agendum est: deinde & verberibus, testimonio Ciceronis libro quarto nouæ Rhetoricæ, sic dicentis: Qui adolescentum peccatis ignoscendum putant oportere, falluntur: propterea quod ætas illa non est impedimento bonis studiis: apti sunt ad bona discenda, non minus quàm mala. At hi sapienter faciunt, qui adolescentes maximè castigant, ut quibus virtutibus omnem vitam possint tueri, eas in ætate maturissima sibi comparent. hæc Cicero.

De adolescentum officiis.

Adolescentum officia sunt varia. Primò eligere & sibi præponere debent

bent genus vitæ, quo ad funus vsque
 uti volunt, exemplo Herculis, qui in
 adolescentia id fecisse legitur: & mo
 re Romanorum, qui adolescentes
 ineunte adolescētia, in forum publi
 cum ducebant, indutos toga virili, ut
 nuces spargere inciperēt, quibus diu
 lusissent: exuerent prioris ætatis stul
 titiam, auspicarentur vitam quæ ho
 minibus commendaretur. Oportet
 enim hominem viuendi honestatem
 non excedere, cui inter homines vita
 agenda est.

Secundò, teste Cicerone primo Of
 ficiorum: adolescētis est, maiores na
 tu vereri, & ex illis eligere optimos
 & probatissimos, quorum consilio &
 honestate suam instituant vitam.
 Temperet sibi à libidine, & omni
 stulta cupiditate: exerceat se labore,
 & patientia animi ac corporis, ut &
 in bellicis ac ciuilibus officiis fiat
 aptus: & cùm animum recreare vult
 & da

& dare se iucunditati, caueat intemperantiam: recordetur verecundiæ, non sit nimis prodigus, & lasciuus, sed verecundus, præsertim, in illis rebus, in quibus vult adesse natu maiores. Hæc Cicero. Præterea in loco & tempore cogitent adolescentes, se homines non bestias esse. Ideò & mores habeant meliores brutis: cogitent se adolescentes esse, non pueros, vel iuuenes, vt pueriliter agant: neque esse viros & senes, vt per seipso satis sint prudentes, sed quòd adhuc egeant instructione.

De ætate virili.

Quinta ætas, dicitur ætas virilis, dum iam matura & adulta est hominis personæ vel ætas, & corpus adolescere cessauit, simul & barba in mento emerferit. Hæc est sola & vnica ætas virtuti plus accommoda & honestati: nam & ratione viget, & corpore valet, vt virtutem amplectatur.

Ab

Ab huius ætatis nomine nempe à viro, primitus est virtus denominata. Dum enim huic voci, vir, additur syllaba, tus, fit dictio virtus. Sortita autem est nomen virtus à viro, eò quòd solus vir aptus sit minister & cultor virtutis. *Virtus vnde nomen sortita.*

De viri honesta vita.

Viri vita tota honesta esse debet, & plena omni virtute. Nam non agit vitam verè honestam ille, qui nō omnis virtutes simul observat, sed peccat in aliqua. Sit igitur vir ipse prudens, iustus, temperans, & fortis. Prudens sit, ut prudenter quælibet agat verba, & factorum præteritorum recordetur, præsentia rectè disponat, futura præmeditetur & provideat. Quicquid agat, prudenter agat, & respiciat finem. Nam turpe est (ut inquit Cicero) post finem dicere: Non putaram. Ideò Terentius in Adelphis dixit: Istud est sapere non

non quod ante oculos est solùm videre, sed quæ futura sunt prospicerẽ. Iustus sit, nulli nocens, nulli iniuriã inferens, amicus sit aliis, concordiam amet. Pius sit & humanus, & in omnibus rebus amet constantiam, & fidem seruet. Nam fides (secũdum Ciceronem primo Officiorum) est iustitiæ fundamentum. Temperans sit in omnibus rebus, scilicet modum seruans : modestus, castus, moderatus, parcus, sobrius, & pudicus.

Fortis sit, non corpore, sed animo, non timidus & pusilli animi, in aduersis rebus, non cedat malis, sed contrà audentior eat : nõ commoueatur subitò & perterteatur, sed magno sit animo, vtcunque res ceciderit. Præsertim tamen cupiditatem & iram frænet. Non stulta cupiat, vt pueri: iratus, nihil faciat. Ideò Plato quondam quæsitus, Quis hominum esset fortior? respondit: Qui propriam
uam

iram vincere potest.

Insuper vir honestatis cupidus, hæc duo obseruet præcepta. Primum, curet vt talis sit, qualis haberi cupit. Nam, teste Cicerone secundo Officiorum, Socrates quõdam dixit: Breuem esse viam ad gloriam, si quis studeat talis esse: qualis haberi vult ab alijs. Secundum, laboret ne famam viri honesti perdat, ex hoc præcepto Ouidij:

*Omnia si perdas, famam seruare memento,
Qua semel amissa, postea nullus eris.*

Vt autẽ quilibet hoc possit, sequatur hoc præceptũ Horatij in epistolis:

*Inter cuncta leges, & percontabere doctos,
Qua ratione queas traducere leniter aium.*

De Senectute.


Sexta & vltima ætas, est senectus: cui ætati propria est prudẽtia, quam vel longo vsu vitæ, vel scientia, vel experientia ipsi senes sunt consecuti. Quare ipsorum officium est (in-

*Senatus
vnde
dicitur.*

quit Cicero primo Officiorum) iu-
uētutem, amicos, & Rempublicam,
consilio ac prudentia adiuuare. Ideò
Romulus primus conditor vr̄bis Ro-
mæ, centum senes (teste Liuius) elegit,
qui vr̄bi & consilio & prudentia re-
gendo præessent. Inde à senibus di-
ctus est Senatus, quasi senum colle-
ctio & turba, quòd ipsi senes recto-
res vr̄bium esse debeant, ac iuniori-
bus esse exēplar honestatis. Ideo ipsis
honor exhibetur, tanquam pruden-
tiæ simulachris honestatis & virtutis
possessoribus & doctoribus. Senum
porrò officium est auaritiam (quæ
maximè in seipsis dominatur) vitare:
deinde morositatem & desidia. Co-
gitare quid sibi velint cani capilli in
capite, & corpus decrepitum: nempe
vt graues & bonos habeant mores,
& recordetur ad se in dies mortē ac-
cedere ac sepulchro imminere. Cor-
pus flectitur terram versus, quò sciāt
se

se per mortem mox terram ingressuros. Quare mundi gaudia & illectamenta deferant, mortique sese accingant. Hoc Horatianum verbum mente subinde reuoluant,

*-Lusisti satis, atque bibisti,
Tempus abire tibi est, ne potum largius equo
Rideat, & pulset lasciuia decentius etas.*



QVAE ERGA ALIOS,

*Deum, & homines deceat
honestas.*

C A P. IIII.



VIRTUTIS cognitio & honestatis nihil aut parum prodest, nisi ipsius fiat actio & exhibitio. Nā

refert Cicero in Officiis: Quòd omnis laus virtutis, non in cognitione, sed in actione, consistit. Et in libro de Amicitia, ait: Tum virtutis.

præmium & fructus maximè capitur, cum in proximum quenque confertur. Conferenda autem est virtutis actio, tum in Deum tum in homines. Nati nanque sumus in obsequiū Dei & hominum: alia tamen erga Deum, alia erga hominem honestas decet, & exhibenda est.

Erga Deum quid deceat.

Honestas erga Deum consistit in Dei cultura, siue religione. Teste enim in Lactantio libro tertio, seruendum est religioni: quam qui non suscipit ipse seipsum prostermit in terram: sequitur vitam pecudum, & ab omni humanitate se abdicat. Omnis enim sapientia in hoc vno est, ut Deū cognoscat & colat. Seruire autē Deo, nihil aliud est, quàm bonis operibus tueri, & seruare iustitiam. Quare, si quis hominem qui verè sapere velit interrogaret: cuius gratia natus sit, respondebit intrepidus ac paratus

ratus: se colendi Dei gratia, natum *Cuius*
 esse: qui nos ideò generauit, vt sibi *gratia*
 seruiamus. Hæc Lactātius. Ideo ve- *nati sē*
 teres illi Romani diligenter & reli- *mus.*
 giosè seruabant deorū culturam, vt
 indicant Valerius & Liuius vbique.

Erga homines.

Post Deum, & erga homines vir-
 tus siue honestas præstanda & exhi-
 benda est. Nam teste Lactantio li-
 bro sexto, primum officium iustitiæ
 est, coniungi cum Deo: proximum,
 cum homine. Et CHRISTVS in
 Euangelio præcepit: Dilige Domi-
 num Deum tuum, & proximum
 tuum sicut teipsum. Hominibus ho-
 mo debet esse Deus, misericordia,
 humanitate, pietate: præstare auxi-
 lium depressis & laborantibus, im-
 pertiri victum non habentibus, vt
 inquit Lactantius. Quid autem cui-
 libet homini debeamus, sequentia
 indicabunt.

Erga patriam.

Inter homines primum locum occupat patria nostra: quã veteres philosophi (vt inquit Philosophus libro quarto de Liberorum educatione) prapofuerunt: ipsis parētibus, quòd scilicet plus obstricti essemus patriæ, quàm parentibus. Ideò Plato dixit, quòd partem ortus nostri patria sibi vendicat: nati enim sumus, vt patrie prosimus. Quinque autem rebus vel ciuibz patriæ prodesse possumus. Primò, laborare pro ipsius honore & laude, in hoc quòd conamur tales & fieri esse & perdurare qui patriæ olim simus honori, & ipsa à nobis laudem & honorē adipiscatur. Secundò ipsam instruere prudentia & cōsilio, si indocta est & insipies docere ignorantē, nostri muneris erit. Tertio in ipsis conari cōmòdum: vt ipsi illi terræ simus grati, quæ nos & genuit, aluit, educauit. Quartò, defendere eā,

aut

aut prudētia, aut viribus, vtcunque
tempus, vel necessitas postulauerit.
Quintò, etiā si opus fuerit, & aliter
defendi non possiet patria, parati esse
debemus, pro ipsa mori: quæ mors
honestissimā æstimatur. Hinc Hora-
tius dixit: Dulce, & decorū est pro pa-
tria mori. Id & multi gentium fece-
runt vt apud Liuium videre licet.

Erga parentes.

Post Deum & patriam, colēdi ac
venerandi sunt parentes, vt sacra &
prophanæ iubent literæ. Hos quo-
que & virtute & honestate colemus.
Quinque verò honestatis vices exhi-
bimus parentibus. Primò, obediē-
do ipsis in rebus honestis. Secundò,
inseruiendo ipsis, in eo in quo possu-
mus. Tertiò, hōnorando eos & ver-
bis & factis, ipsis non maledica-
mus, vel obloquamur. In factis ac
gestu, nudo capite, ac flexis genibus
eos accedendo. Quartò, ipsos ornā-

*Pietas
quid.*

do, scilicet per profectum nostrum in virtute & scientia, vt ipsi quandoque à nobis honoré habeant coram aliis, non degeneremus ab ipsorum moribus probis & vita. Quintò, alendo eos, si aut inedia, aut senio fuerint obruti: id nanque solent & bestia, præsertim ciconia, quæ parentes senes alunt. Et Cicero in libro Orationum inquit. Quòd pietas nihil aliud est, quàm humanitas erga parètes. Franciscus Philelphus libro quarto de educatione liberorum, capite tertio, sic inquit de officio filiorum in parentes: Quòd licet nunquam parètibus poterimus par pari referre: tamen quoad nobis licet, efficiamus, officiosè eos tractemus, assiduè comitemur, hortantibus faucamus, mandantibus pareamus, voluntates eorum & deliberationes, siue morandum, siue obeundum, siue nubendum sit, tanquam diui

diuina verba & iussa probemus & suscipiamus, iratis non resistamus, comminantes & perterrentes patienter sustineamus. Dum autem iubet inhonesta & illicita, respuamus, sed leniter, verecundè, absque vlla execratione vel maledictione. Hæc Philadelphus.

Quomodo illis successit, qui parentibus non auscultarant.

Qui in parentes fuerunt impij, his nunquàm bene successit, vt veteres testantur scriptores. Orestes Græcus, quia matrem suam Clytemnestram occidit, versus est in furiam. Nero princeps Romanus, quia matrem occidit, habitus est tyrannus crudelissimus. Olim in vrbe Romana, parricida grauissima pœna pledebatur: includebatur sacco ex corio facto, cum cane, serpente, & gallo gallinaceo, & tum in profundum maris proiiciebatur.

Erga praeceptores literarios.

Post parentes, & praeceptores sunt colendi. Nam praeceptores sunt alij, vel alteri parentes. Ideò gentilitas praeceptores voluit haberi loco parentum (vt inquit Iuuenalis in Satyris) ipsi nanque praeceptores sunt parentes animorum. Dant nanque vitam animorum, scilicet virtutem, & scientiam, ac honestatem: parentes autem solùm corporis vitam praebeant. Sunt igitur praeceptores proximi parentibus, & non multò minus ipsis reuerendi. Compertum enim est, vt inquit Philelphus libro quarto, capite septimo, eos qui praeceptores suos coluerunt, ad magnam gratiam literarum peruenisse. Inter quos fuit Traianus imperator & Cæsar, ab omnibus suo tempore commédatus ob virtutem. Hic praeceptorem suum Plutarchum summè est veneratus. Marcus Antonius

*Pietas
erga
prae-
ceptores.*

nus Romanus, omnium principum sanctissimus, suis præceptoribus aureas imagines in domo sua statuit. Cicero eloquentiæ Latinæ princeps factus, quia ipso in Romano sermone nullus creditur eloquentior fuisse, præceptores suos nominatim celebrat in libris suis. Et quotquot vnquàm eruditionis, honestatis, & dignitatis culmen ac fastigium attigerunt, præceptores suos coluerunt, amauerunt, & laude sunt persecuti.

De his, qui præceptores inhonorarunt.

Præceptores autem qui contem-
pserunt (inquit idem Philelphus) ignari & turpissimi semper extite-
runt: inter quos Nero princeps prin-
cipatū tenet, quē propter nimia fla-
gitia omnes acculant scriptores. Hic
præceptorem suum Senecam inte-
remit. Beroaldus in oratione prouer-
biali

*Præceptorum
suorum
contem-
ptores,
turpissi-
mè sem-
per ha-
biti.*

Præceptor a-
nimi
parens. biali inquit: Qui obtreffatione præceptoris famam sibi quærit, infamiam inuenit, & in omni proborum cœtu exhibilatur & exploditur, vt improbus: formidatur vt vipera, fitque odium publicum non secus, quàm qui parentibus maledixerit. Etenim præceptor est animorum parens & formator: quem nisi omni honore verborum prosequamur, nisi vbique locorum, vbique hominum honorifica commendatione laudemus, impij, nefarij, & scelerati merebimur nuncupari. Hæc Beroaldus.

Officia erga præceptores.

Præceptores
vt parentes
amandi.

Erunt igitur hæc officia quatuor in præceptores exhibenda. Primum, vt ipsos perinde ac parentes amemus. Secundum, ipsis in honesto pareamus ac obediamus, eorum iussa capescentes. Tertium, ipsis simus grati, vsque ad extremum vitæ. Quartum, laboremus vt sciëntia ipsis

quæ

quandoque fiamus aut pares, vel si fieri potest, etiam maiores. Istud pulchrum est certamen discipulis, ut præceptorem aut scientia assequantur, aut etiam superent & excellant. Sic multi suis olim facti sunt peritiores præceptoribus, ut Beroaldus gloriatur, nonnullos sibi olim fuisse præceptores, in quorum tandem sedisset lectorio.

Erga cognatos & agnatos.

Erga cognatos & agnatos, à patre siue à matre nobis sanguine iunctos simul, & in fratres & sorores quales esse debeamus, facile ratio naturæ nobis dictitabit: ut scilicet tales erga ipsos illos simus, quales & nobis esse solemus. Diligemus ipsos ut nosmet. Sunt enim nihil aliud quàm quasi alij nos: nostri sunt sanguinis, nostræ stirpis, & progeniei nostræ, & partes ac membra. Quare
eos

eos non secus habeamus,quàm nostri corporis membra propria: vt quicquid toti nostro corpori,imò, & nobis fieri non volumus, etiam ab illis depellamus. Proximus non minus ipsis quàm nobis: aliòquin meritò ingrati habebimur. Vt qui vni sui corporis parti plus faueret quàm alteri, meritò insipiens æstimaretur: sic & dignè ingratus diceretur, qui progenie sibi iunctis non adest auxilio & consilio. Hæc lex naturæ nobis dictat, & præcepit. Et in Evangelio CHRISTI præceptum est: Proximum esse diligendum ac seipsum. Verè autem proximi nostri sunt, qui sanguine iuncti sunt.

Erga amicos.

Quinto loco, & amici colendi ac venerandi sunt. Quæ autem deceat erga illos honestas siue decor, abundè docent scripta eruditorum, præ-

fertim

sertim Cicero in libro de Amicitia. Sunt autem præcipuè sex leges erga amicos seruandæ. Prima (vt Cicero refert) ab amicis non rogemus turpia, sed honesta: amicorum gratia non turpia faciamus, sed sola honesta. Secunda, in prosperis rebus amicis congratulemur, collætetur ipsis, siquid boni eis acciderit, non secus ac si nobis contigerit. In aduersitate eis condoleamus, consolemur ipsos consilio & auxilio, & non deseramus more hirundinum auium, quæ (vt refert Cicero libro quarto nouæ rhetoricæ) æstiuo tempore præstò sunt, simulâtque viderint fortunæ hyemem, deuolant omnes. Tertia, sit nobis idem velle & nolle cum amicis, eadem studia & delectationes. Nam disparia studia & dispares mores, separant, & frangunt amicitias, teste Cicerone in libro de Amicitia, & Horatio in

Ab amicis honesta petenda.

epi

epistolis. Quarta, non aliud amico faciamus, quàm nobis ipsis fieri velimus. Nam secundum Ciceronem, Amicus, est quasi alter idem. Et amici sunt, cor vnum in duobus pectoribus: ideo eos amore amplectemur, ac nos ipsos. Laboremus amando ipsos vincere, & non vinci ab eis, quod est turpissimum. Quinta, amicitiam præstandam præcepit Cicero, non spe mercedis vel commodi, ut vulgus solet: quod commodo cessante, simul & favorem mutuum deponit: sed in solo amore cordis ponenda est amicitia: tum & diutius durabit: paratiorésque sic fuerimus ad dandũ amico, quàm ab ipso expectare munus. Sexta lex & vltima est, ut obsequia sæpe præstemus amicis: quia teste Terentio: Obsequium parat amicos. Deinde & præstita non obiicere quibus contulimus. Cicero enim inquit: Odiosum esse

esse genus hominum officia exprobrantium: quæ meminisse debetis, in quem collata sunt, non commemorare qui contulit. Libro quoque ii. veteris Rhet. inquit idē Cicero: Impudens est ille, qui pro beneficio nō gratiā, sed mercedē postulat. Sin in nos ab amico fuerint exhibita obsequia: iubet Cicero in Officijs, vt sequamur agros fertiles, qui plus reddunt quā acceperunt à seminante. Sic in amicitia, si possumus, plus reddamus, quā nobis collatū est: vel nostræ non esse opis rependere a qua lance dicamus: velle tamē gratos esse, si unquā fortuna nobis arriperit copiosius & benignius.

Erge socios.

Amicitia similima est illa hominum familiaritas, quæ dicitur societas. Est enim nihil aliud societas, quā amica hominum inter se coniuncta familiaritas. In socijs autem

*Societas
quid.*

eligendis, vel obseruandis, in primis conandum est, vt honesti ac probi eligantur & habeantur: apud quos & emendatiores fieri possimus. Illos cùm erimus nacti: sic erga ipsos nos habebimus, sex præcepta non excédentes. Primò, non secus quàm erga amicos in ipsos simus. Secundò, hæc quinq̃ue obseruemus, quorum Terentius meminit in Andria: scilicet, discamus perferre, & pati mores, ritus, & gestus sociorum: non mox ad vnum aut alterum verbum irasci, sed omnia ferre æquo animo & vultu hilari. Deinde nos totos demus nūtibus & voluntatibus honestis sociorum. Tertiò, obsequamur ipsorum studijs: id agamus, quod illi moliantur, si saltem in honestate caruerit. Ideò & vulgò prouerbum est: Viuendum esse moribus præsentium, non esse morosum, vel sui (quod aiunt) capitis. Quartò, nulli aduer

aduersumur: litem, discordiã, & iurgium fugiamus: litem non seminemus. Quintò, nulli nos preponamus, non aliis nos meliores estimemus, sed equales. Hinc vulgò dicitur: Inter socios non esse ordinem, sed æqualitatem inter ipsos debere esse, & nullam prælationē sui ipsius. His præceptiunculis, & aliæ duæ possunt addi, Prima, vt socios absentes theonino dente non rodamus. Secunda, delinquentes castigemus, sed parcè & in secretum ductos, nō coram alijs. Illud enim est vituperare & vitiare, non amicè emendare. Amici in abditò, emuli publicè delinquentem arguunt.

Erga Senes.

Quos senium & cani grauant capilli, illis quoque sua est exhibenda honestas. Merentur honorari ob longam actam etatem, in qua & experientia, vsu & arte multum

minem canum præteriret capite o-
perto, is capite plecteretur.

Erga mulieres.

Mulieribus etiã honestis & pro-
bis debetur honos ob duplicem ra-
tionẽ. Prima, quòd ipsæ nostrę sunt
genitricēs & nutrices: ac plus sudo-
ris in educãdis liberis habet, quàm
patres. Secunda, quia pudicitia vir-
tutem colere solent (quę virtus ma-
xima æstimatur) vt de multis matro-
nis constat apud historicos. Triplici
igitur honestate sunt venerandæ. Pri-
mò, apud ipsas temperare à verbo-
rum lasciuiã. Ipsæ enim pudicæ cū
sint, nil coram eis loquendum est,
quàm quod pudicum & honestum
est. Secundò, abstinendum ab inde-
centi gestu & moribus, quæ vitiant.
Verecundè agenda omnia: talia nã-
que conuenit nos moribus expri-
mere & effingere semper, quę præ-
sentium fortunę & conditioni sunt

*Qui-
bus ra-
tioni-
bus mu-
lieri de-
beatur
honos.*

apta. Cum igitur mulieres habeantur pudicitiae cultrices, pudicos & apud ipsas nos esse decebit. Tertiò, in mulieres non armata vel irata sauiendum manu, cum ipsae sint inermes, & imbecilles, neque satis valida, ut cadenti resistent: & cum nihil sit laudis mulierem vicisse, vel de ipsa supplicium sumpsisse, ut habet vulgatum prouerbum, & Vergilius secundo Aeneidos.

Erga extraneos vel peregrinos.

*Extra
nei &
peregrini
quomodo
excipiendi.*

In extraneos & peregrinos etiam officia virtutum seruanda sunt, praesertim quatuor. Primum, pijs & humanis verbis excipiendi & tractandi sunt, ut sese ad homines, id est, humanos diuertisse agnoscant, non ad crudeles & impias beluas. Non sunt irridendi verbis. Hinc Plaut. ait in comœdia, quæ Pænulus dicitur: Seruum hercle te esse oportet, & nequam, & malum, hominem peregrini

grinum atque aduenam qui irrideas. Secundum, instruendo eos in hoc, quod eos latet nostra in terra, non præ-inscitia multarum rerum apud nos consuetarum, fallendæ nam istud nihil affert laudis, sed potius vitiat & cõtaminat. Facile namque est imponere nescienti. Habet Erasmus in li. de Instr. prin. Christ. Platonem quondam dixisse, quòd diligentius cauendum est, ne quid lædantur hospites magis quàm ciues: propterea quòd hospites destituti auxilio amicorum & cognatorum, magis sunt obnoxij iniurijs. Ideò & Iouem putabant Gentiles esse ultorem iniuriæ peregrinorum, vocabântque Iouem ob id Xenium. Tertium, monstrare viam quærentibus aut ignorantibus, nõ sinistrorsum ducere, dum dextrorsum ipsis eundum est. Id enim sceleratissimũ factu est, seducere peregrinum, sine

nostro cōmodo: decetque latrones & prædones, qui sponte erronea via iubent ire peregrinos, quò in calles incidant, & occidant ipsos. Quartum, hospitio ipsos suscipere, & ferre vt nobiscum habitent. Hinc Gentiles coluerunt hospitalitatem, tanquàm rem sanctam, & Iouem dixerūt Deū hospitalitatis quòd pium & sanctū esset hospitari peregrinos. Ideò Didoregina Carthaginensium, libro primo Aeneidos, dum Aeneā cum alijs Troianis hospitio susceperat in conuiuio, inuocat Iouem tanquàm dantem iura hospitibus. Et veteres Romani multos peregrinos in suā urbem susceperunt, qui tandem & urbis fiebant moderatores, vt Liuius ait de Vrbe condita. Scribit & Beroaldus, quòd olim in opera danda, & obsequio præstando, hospites ac peregrini præponebantur cognatis & affinibus. Imò & Romę exter-

nis

nis magistratus dabatur regius, consularis, & pretorius, ut Numæ & Tarquinij temporibus, Consules multi peregrini & externi fuerunt. Habebat & pretorem peregrinum, qui peregrinis ius dixit.

Erga hostes aut inimicos.

Et in hostes nostros virtutis memores esse debemus: & præsertim quatuor uti præceptionibus. Primò, ut iubet Cicero in Offic. Etiam & fides præstita seruanda est hostibus, ut nunc equitum lex & consuetudo est. A quo quis captus fuerit & manumissus, ad illum eandem reuocatus, ut redeat, oportet: aliàs è strenuorum equitum albo expungitur & eliminatur. Secundò, ab hostibus vel inimicis irritati, aut lacerati iniuria, aut bello indicto, non ilicò reluctemur, aut remordeamus: illud nanque beluarum est, sed benignè rem ipsam prius agamus

verbis, teste Terent. in Eunū. Omnia prius verbis, quàm armis experiri, sapientem decet: nihilque ex ira faciendum improuidè. Tertiò, etià iniuria illata & accepta, præstat ignoscere, quàm talionem reddere. Nobilius nanque vindicandi genus est ignoscere, quàm par pari referre. Erasmus in libro de Instructiōe principis Christiani, inquit: Quòd ultio, est signum parui & pusilli animi. Iuue. saty. xij. ait: Quòd vindicta nemo magis gaudet, quàm fœmina, ergo erit viro indigna. Quarto, si hostium iniurias & insultus abigere non possumus, nisi paribus viribus resistamus, tum illud Verg. xij. Acneid. sequendum est: Quòd Deus, quò dura vocat fortuna, sequamur. Sors & virtus miscentur in vnum. Armis audenter repugnemus, vt passim habet Liuius de Roma. gentibus. Illud tamè Ciceronis semp

semper in mente habeatur? Bella suscipiatur, non aliā ob causam, quā ut postea in pace viuatur, non ut vindicta de hostibus sumatur.

Erga heros et dominos quibus seruimus.

In heros nostros quorum pane vitamus, & quibus seruitium debemus, quadruplices habebimus mores. Primò, parati & prompti ad eorū exequēda iussa & mādata simus, nō testudineo more exequi negotia: nihil inertia, molestia, aut cessationis exercere in herilibus iussis capeffendis. Secūdò, fideles esse in ipsos: non fallere, non fraudare eos, non imponere illis corā blandiendo, & absens obesse. Tertiò, illis simus frugi & viles, eorū incōmoda præcauēdo: plus ipsoꝝ, quā nostrā commoditatem quæramus: citius domini, quā priuatā & nostrā rem exequamur: & si viderimus herū incommodi quippiam subiturum, istud ipsum

Mores erga heros obseruandi.

nos

nos serui depellamus. Hæc Plautus in Aulularia. Quartò, taciturni esse debemus, duabus vicibus. Primò, ad herorũ verba non obloqui, etiam si interdũ melius nouerimus, neq; tamen prorsus obmutescamus. Hinc Plautus in comœdia militis gloriosi, ait: Oportet seruũ plus scire, quã loqui. Secũdò, dominorũ secreta aliis nõ aperire, neq; foras eliminare: taciturnitas eni oppidò seruũ comēdat.


Erga Magistratus.

Magistratibus locorum, vbi agimus, etiã virtutis exhibitio debetur, præsertim triplex. Primò, obediẽtia, vt suis iussis & legibus honestis pareamus, non simus legirupæ, sed legibus auscultemus. Sunt nanq; nihil aliud leges ipsæ, quàm rectè viuendi præcepta & documenta. Malè viuitur, vbi sine lege, instar beluarũ, vita agitur. Neque in magistratus insurgere, feliciter cadere solet. Non enim

*Magi-
strati-
bus
quid de
beatur.*

enim bene succedit culici elephantum mordenti, & scarabeo aquilam quærēti. Secundò ipsos nō dehonestemus, neq; verbis, neq; factis. Tutum enim nō est dicere aut scribere in illos, qui possunt proscribere. Neque decorū est eos vitare, laedere verbo aut facto, qui diu noctūq; conantur recto viuendi modo moderari Rempublicam, subditosq; singulos. Tertiò, census si quid exigunt, aut ipsis dandū est, benignè pēdatur. Eo nanq; pacto vrbes & regiones tutantur, conseruantur, ac restaurantur: aliās durarent non multis seculis. Nā teste Liuius, libro secūdo ab Vrbe cōdita: Si cætera corporis mēbra, stomacho cibū non suppeditarēt, simul cū ipso fame perirent. ita quoque, nisi ciues & incolæ censibus & tributis vrbes ac regiones, principes siue magistratus iuuarent, pariter cum ipsis interirent.

Quid



QVOD QVODVIS IN

loco, & tempore deceat, &
quavis conditione.

C A P V T V.



IN honestate & virtute
multum efficiunt locus
& tempus: quorum duo-
rum nisi fuerit ratio habi-
ta, nihil, vel parum, conducet virtu-
tis cognitio & actio. Locus enim &
tempus, dicunt sacrarum literarum
interpretes, peccata aggrauant: item
leuantur loco & tempore. Sic & ho-
nestas siue virtus, etiam loco & tem-
pori accommodanda est. Alia enim
& diuersa, diuerso in loco & tempo-
re decent, licent, & exiguntur. Quod
si quis nescierit, aut non imitatus fue-
rit: quantumuis virtutem didiscerit,
iuxta vitiosus aestimabitur, si igno-
rauerit

rauerit seruire loco & tempori. Ideò
Macrobius libro septimo Saturna-
lium, capite primo, inquit: Nihil est
tam cognatum sapientiæ, quàm lo-
cis & temporibus aptare sermones.
Iussit & Pittacus Mytil. Noscendum
esse tempus: vt quicquid ageremus,
prius videremus tēporis opportuni-
tatem: adeò existimauit tempestatē
omnibus in rebus esse optimā. Hinc
Terentius dixit: In tempore veni:
quod rerum omnium est primum.
Quomodo autem quisque debeat,
& possit esse omnium horarum ho-
mo, sequentia vtrunque aperient.

In conuiuio, quæ deceat

honestas.

Loca & tēpora varia sunt, in qui-
bus agunt, & conuiuunt homines:
præcipuè tamē locus & tēpus conui-
uij, siue cōuiuationis homines habet.
Genio enim indulgere, bacchanalia
vivere, & cuticulam curare, frontem
expor

exporrigendo, omnibus est volupe.
*Inter pocula autem, sex tenenda sunt
honestatis siue virtutis præceptiuncula.*

Prima, vt Macrobius inquit libro
septimo Saturnaliũ, capite primo, ob
seruatio in cõuiuiõ est, æstimare con
uiuas, quales sint, cuius fortunæ, di
gnitatis, & authoritatis. Secunda, vt
idem ait Macrobius, debet quisque
videre, vbi sibi locus pateat, non de
rebus philosophicis, vel grauibus in
ter pocula loqui. Ideò Socrates quon
dam in conuiuiõ rogatus, vt aliquid
in medium proferret, respõdit: Quæ
præsens locus vel tempus exigit, ego
non calleo: quæ autem calleo, præsen
ti loco nõ sunt apta nec tempori. pu
tans res graues, de quibus in scholis
disputant philosophi non conueni
re conuiuiõ. Tertiò, scõmata dicenda
sunt, neminem mordentia, nam ci
tius inter pocula, quàm aliàs com
mouetur hominibus bilis & Anagy
ris

ris, vt refert Macrobius libro feptimo. Quartò, edendo & bibendo modus obferuetur, fecundum hæc duo præcepta: fcilicet fumatur cibus citra cruditatem & potus citra ebrietatē. Quintò hæc feptē præcepta Plauti in comœdia Militis gloriofi obferuet quifq;: Sit cauillator facetus, cōmodus cōuiua, non obloquutor alterius, ab omni incommoditate abftineat, loquatur dū tēpus eſt, taceat altero loquēte, parum expuat, ſcreator nō ſit immodestus. Sextò, in cōuiuiο dicta vel audita viſa & facta, foras nō aperiat vel diuulget. Ideò Horatius in epiftola ſexta, Torquatū vocans conuiuā: promittit ſe curaturū, vt nemo ſit in cōuiuiο, q̄ dicta foras eliminēt. Et Beroaldus dicit quòd mos fuit quorundam gentiliū, conuiuis domū intrantibus, aut ingreſſis, oſtēdere limē, dicēdo: Extra illud nihil, id eſt, ad mēſā audita, caue foras

*Cibus
et po-
tus quo
paſto
ſumen-
di.*

dixeris alijs. Quare & nostro quo hic mos est supra mensas, rosas habere depictas, vt sub illis dicta inter pocula, aliò non effutiantur.

In consortio sobrio.

Ars est non facilis, imò permagna & egregia, scire commodè inter homines agere, vt familiaritate placeamus alijs, maneátque diu mutuus & amicus conuictus. Ad quæ opus est septem præsertim documentis. Primo, assuescamus ferre & pati hominũ mores, verba, ac facta: non ilicò literam caninam sonemus, aut aceto perfundamur, si quid tædij nobis inferunt, sed tanquam nescij, taciti toleramus. Remordere enim & irasci leui offendiculo, est hominis animi impotētis. Secundo, aliorũ arbitrio & nutui subscribamus: vt idẽ velle & nolle sit nobis quod ipsis, id velimus quod isti cupiunt, vitemus, his quæ minimè arridēt sed nãseā inferunt.

Tertiò, studiis, operibus, & conati-
bus ipsorũ consentiamus: isti studea-
mus rei, & negotio ipsi, quod agunt.
Vbi nanq, studiorum & operum est
dissensio, breui momẽto de conuictũ
receptui canitur. Quartò, nemini ad-
uersemur indignè, & præter illatam
prius iniuriam, aut litẽ faciendo, aut
verbis rixãdo, aut maledicẽdo. Quin-
tò, nulli nos præferamus, ac melio-
res, digniores, vel præstantiores. Sex-
tò, id cæteris præstemus, nobis quod
expeteremus. Iphis non incommode-
mus: nam incommodum neque nõs
boni consuleremus. Septimò, faciles
& accincti vsq; simus: vt vbicunque
tẽpus exegerit, aut locus expetiuerit,
præstemus aliis obsequiũ. Obsequiũ
nanque collatum, parit amicos: inter-
missum, inimicos peperit: semper.
Cæteros mores & ritus, vsus quoti-
dianus dabit & experientia, quæ re-
rum est magistra.

In colloquijs mutuis.

In hominum colloquijs mutuis & confabulationibus, octo sunt modestiæ regulæ, siue virtutes seruandæ. Nô interloqui aliorû dicta: sed alijs loquentibus, cōpescere linguâ; expectareque verborum finem. Hinc illud vulgatum prodiit dicteriû: Duo concinere possunt: at nô pariter verba facere: vnus enim sermo alterius remoratur orationem, quod integrè nequit capi. Nullius detrahre honori: neq; absentis, neq; præsentis. Nullum nanq; furtû est maius, nulla rapina peior, quàm ablatio. Nobilius nihil habet homo post animam, & vitam quod perdere possit, quàm famam: quâ semel amissâ, vt Ouidius inquit postea nullus erit: id est, nullius momenti: aut æstimationis fiet vnquàm. Prospiciendû quid de quoque viro loquamur: ne aut præsentem aceto perfundamus, aut præsentium

tiū amicos. & familiares. Nil loqui,
 nisi præmeditati fuërimus, quò ver-
 gat. Sultum sit, an prudens dictum:
 obesse an possit, an profuturum sit.
 Noua dicere aut afferre quisque ca-
 ueat, ne garrulus æstimeretur, noua
 nanque proferens, is & nugator &
 mendax, & loquax creditur. Nò in-
 quirere aliorum secreta siue arcana,
 ob duas causas. Prima, quia malè ha-
 bet os, à quibus sua quærentur occul-
 ta. Secūda, quia interrogantes, æsti-
 mātur esse proditores: vt cognitis se-
 cretis velint obesse. Arcana & secre-
 ta, teste Horatio in epistolis, siue so-
 brius sit, siue ebrius, taceat & celet:
 nam celanda effutens, scelestior fu-
 re æstimatur. Arcana namque sæ-
 pe præstāt hisce rebus, quæ à furibus
 furripiuntur. Non nisi comperta &
 nota dicet quisque, aliàs aut garru-
 lus, aut mendax censebitur, & falsi-
 loquus.

Dum colloquimur honestiori.

Erasmus in Colloquiis, inquit: Quoties alloquitur te quispiam, cui debes honorem, compone te in rectum corporis statum: aperi caput, vultus sit nec tristis, nec toruus, nec impudens, nec proteruus, nec instabilis, sed hilari modestia temperatus: oculi verecundi, semper intenti in eum cui loqueris, iuncti pedes, quietæ manus. Nec vacilles alternis tibis, nec sint gesticulosæ manus: nec mordeto labrum, nec scabito caput, nec fodito aures. Vestis item ad decorum componatur: ut totus cultus, vultus, gestus, & habitus corporis ingenuam modestiam, & verecundam indolem præ se ferat.

In deambulando cum aliis.

Si contigerit nos deambulando, aut expatiando aliis congregari, novæ moribus instituti simus, oportet. Primò, loquendo simus comes, & affa-

biles

biles, ac humani: nam teste Plauto, Facundus comes, in via pro vehiculo haeretur: istædium in itinere leuat. Si fuerimus inferiores dignitate, eundum nobis à latere sinistro, aut à tergo nobis est, non præire, nisi venia precata. Utendum gradu non plus æquo veloci, sed temperatæ festinationis & decenti, ut in officiis iubet Cicero. Eundo, nobis congregientes non commaculemus: sed sic pedes & gressum moderemur, ne itineris socios limo aspergamus. Submissa, siue media voce loquamur nõ Stentorea lingua. Obuiis de viâ cedat: ipsis per diametrum nõ obuiet, ne sese inuicem corporibus tangat, ut caper caprum cornibus. Obuios honoret cedendo de viâ, aliisque modis quibus honor exhibetur. Obuios salutet: salutare nãq; subinde, humanum est, piũ, & laudabile. Ideò Cato quondã dixit: Saluta libenter. Nihil

enim aliud est salutare, quàm in salutem alteri optare: id quod hominem maximè & decet, & decorat. Obuiis caput aperiat & nudet, quod sese humiliat homo, & inferiorem, altero se agnoscit: quod & CHRISTVS præcepit, vt nos humiliemus, non intumescamus animo & corde.

In tempore hilari, quid deceat.

Tempus etiam & suum expostulat decorum. Tempore enim plus delinquitur, vel minus. Duplex verò est tempus scilicet hilare, siue prosperum, triste, vel aduersum. Tempus si fuerit fortunatū & felix, quadruplex decorum obseruandum est. Primum, non nimium exaltari & gaudere, dum arridet successibus nostris fortuna, id quod vulgò fieri solet, teste Iuuenale, dicente:

*Nescia mens hominum rebus modum seruare
secundū,*

Secun

Secundum, alium, cui aduersatur fortuna, non irridere, & contemnere præ nobis, tanquàm ipso simus feliciores. Istud nanque est gloriari & efferri animo, quod etià Deo odiosum esse solet. Terriò, timere & semper sollicitum esse, ne nobiscum immutetur fortuna. Vento nanque inconstantior est, & rotæ mobili insistere dicitur: sic, vt in eodem statu sistere nequeat. Ideò quidam philosophus olim tempore felici tristari solebat, sciens post felicitatem sequi infortunium: tempore infortunato lætabatur, expertus post imbrem serenitatem oriri, & post aduersa sequi iucunda. Quartò, gratiam referre Deo de largito nobis secundo successu, ne ingrati videamur, sed Deū, vt maiora conferat, illectemus: Dei non obliuiscamur, præ fortunæ felicitate & temporis, vt ferè solent fortunati. Dei recordemur gratis ani-

mis: ipsum precemur, vt quem contulit fortunæ vultum amicum, augeat, & magis secundet, vel modico incommodo finiat, & immutet.

In tempore aduerso.

At tempus si fuerit nubilū, & triste, sumus muniti decori preceptis.

Primò, animum non despondeamus, ac nunquàm feliciores & fortunatiores futuri, sed forti animo feliciora speremus: nos ipsos consolemur hoc dicto Vergilij: Dabit Deus his quoque finem.

Secundò, consiliū aduersus infelicitatem queramus, aut nostro ipsius ingenio, aut prudentiores cōsulēdo.

Tertiò, Dei recordemur, ipsum precibus adeundo, non execrando eius Deitatem ob aduersa quæ patimur, sed vt illud infortunium velit esse non diuturnum, ipsumque vertere in nostrā salutem, gratiā suam nobis impartire, vt æquo animo feramus

mus quicquid est aduersitatis.

Quartò, gaudendū potius, quàm animus demittendus, aduersitatem eam nobis cōtigisse, per quam apud Deum mereamur præmium consequi, ac à peccatis arceamur.

Quintò, spe bona anim⁹ est fulciendus, ac si digna feramus, delictis nostris supplicia, dicente Ouid,

Quæ venit ex merito pœna, ferenda venit:

Quis venit indigne pœna, dolenda venit.

Sextò, cogitandum nos homines esse & viros, quos non decet leuī aduerso, perterriti, sed & forti & audentiori reniti animo.

In seruiendo, & obsequendo alijs.

In obsequiis præstandis, etiam & prudentē ac sagacem esse oportet, vt grata sint his, quibus cōferuntur, ne opera & impensa ludatur. Sunt autē sex obseruāda. Prouidendū, vt utilia sint illi cui fiūt: nociua enim qui dat, non obsequium, sed exitium præbet.

Tem

Tempestiuè, vel opportuno dentur tempore: intempestiua nanq; beneficia minus accepta sunt, teste Erasmo Roterodamo: Vltrò offerre, nō expectare, quousq; rogemur: sed egestate pressò adminiculari spontè, non rogati; parum enim tum gratiæ meremur. Ideò & vulgò aiunt: Carè constat precibus quod emitur. Precata & à nobis promissa, non differre. Mora nanq; vel dilatio, obsequium & ingratum, & molestum efficit. Libenter & celeriter, non instar asini quondam potum coacti: neq; testudinea nectenda mora, vt Aceassei lunam expectantes.

Probè & fideliter, ac si nostra ipsius res ageretur: imò & fidelius amicorum gerendū negotium quàm proprium tum nanq; amicitia candor exeritur.

Humaniter & benignè, aut omit-
tenda. Talia nanq; æstimantur offi-

cia qualis est animus præstatis. Obsequium acceptum est, grato datum animo: non delectat, ab inuito quod exhibetur.

Largiter, si per opes licuerit: nam prioris beneficii gratia perit, nisi & nouo alio farciatur.

In magistratu:

Magistratum si quem gerimus, dominamurque aliis, ac rectores & gubernatores sumus: tum prudentia ut polleamus, necessum est, præsertim quadruplici. Tales nos geramus, quales esse, & videri volumus: sapiamus magis cæteris, quibus imperitamus: nam turpe est honore superiorem esse, non prudentia. Per magistratus excellentiam, non elatis sumus animis alios præ nobis cõtinentes, ut miles ille Teretianus: sed hoc dictum Ciceronis sequamur: Ut quantum sumus superiores, tantò nos geramus submissius. Plus aliorum profi-

mus

mus commodis,quàm priuato:nam magistratus agit personam publicā, non priuatā. Nō noceamus infanti: neque excedentibus indulgeamus nimiū. In pœna tamen modus adsit. Neque maior pœna sit,quàm culpa (vt Cicero inquit) sintque rectores legibus similes,quæ ad puniendū procedunt iure & iustè. Curemus, vt à Republica, vel subditis exulèt hæc decē vitia: Perfidia, peculatus, auaritia, inuidia, ambitio, obtrectatio, periuriū, indiligentia, iniuria, & scelus, vt iubet Plautus in Per. comœd. Cogitemus & longè alia decere nos, quàm eos quibus imperitamus: citius conspici nostros, quàm subditorū errores, vt eruditi poëtæ quondam cecinerunt. Ouidius in conso. ad Liui.

Augustam:

Non eadem vulgusque decent, & lumina terrarum,

Est quod præcipuum debeat ista domus.

Ad te oculos, auresque trahis, tua facta notamus

Nec vox missa, potest principis ore tegi.

CVI SENTENTIAE

& Claudianus hisce ver-
sibus subscribit:

*Hoc te praterèa crebro sermone monebo,
Ut te totius medio telluris in orbe,
Viuerè cognoscas: cunctis tua gentibus esse
Facta palàm, nec posse pari regalibus vsquam
Secretum vitij: nam lux altissima fati,
Occultum nil esse finit: latebràsque per omneis
Intrat, & abstrusos explorat fama recessus.*

Eiusdem Claudiani sunt & aliij
versus, quos Beroaldus pro fori-
bus ædium principalium scriben-
dos esse censet, scilicet:

*Tu ciuem patrèmque geras, tu consule cunctis,
Nec tibi, nec tua te moueant, sed publica vota
In commune iubes, si quid censesque tenendum,
Primus iussa subi, tunc obseruantior æqui
Fit populus, nec ferre vetat, cùm viderit ipsum
Autorem parere sibi, componitur orbi
Regis, ad exemplum, nec sic inflectere sensus
Humanos edicta valent, quàm vita regentis:
Mobile mutatur semper cùm principe vulgus.*

Quom

Q V O M O D O

V I R T V S S I V E H O -
N E S T A S A D E P T A ,*debeat sanciri, vt nun-
quàm amitta-
tur.*

C A P V T . . . V I .

I R T V S vel honestas co-
gnita & consecuta, ne
vnquam abeat aliò nòs-
que rursus vitiis obno-*Præ-
ptiones
necessa-
rie ad
virtutē
ample-
ctendā.*xios reddat: tres sequentes præceptio-
nes menti & pectori sunt insculpen-
dæ, vt tanquàm clauī aut anchoræ
apud nos virtutem retineant, hone-
statem firment, & probos mores
sanciant.

Prima, cauenda omnia quæ ho-
nestatem pessundant: fugienda om-
nia illectamenta vitiorum, omnes
voluptates & delitiæ prauæ: crapu-
la, luxus, & otium. Hinc Hermolaus
Barbarus dixit: Venter, pluma, Ve-
nus


nus, laudem fugienda sequenti. Secunda, nil cogitandū, agendū, nisi honestum sit, & virtuti cognatum: sola honesta exerceantur, & operentur. In re honesta sit omne opus, omnis labor, omnis cogitatus noster. Sic tandem fiet, vt virtutibus assuescamus, non minus quàm si nobis ingentæ forent: vitia detestabimur ac canem & anguem. Hinc Virgilius dixit: Vsq̃ue adeò à teneris assuescere, multum est. Nihil est potētius assuetudine frequenti & assidua. Tertiò, diceret aliquis: Vsq̃ue adeò quis posset honesta agere, & meditari, cū nemo sit cunctis momentis qui sapiat, sed interdum dormitet Homerus? Ideò hoc tertium præceptum manibus & pedibus amplectendum est: scilicet, vt honestis conuiuamus, & conuersemur: ab ipsorum conuictu nos non subducamus, vt Cicero à Mutio Scauola.

fene se nunquam abijsse scribit. Mi-
 rum nanque dictu est, quantum in
 moribus valeat hominum familia-
 ritas domestica & quotidiana: quod
 etiam ferè hominis naturam immu-
 tet, inuertat, & prorsus variet. Idcò
 & Psalmista quondam scripsit: Cum
 bono, bonus eris: & cū peruerso, per-
 uertèris. Honesti igitur erimus,
 & perdurabimus, quoad ho-
 nestis adfuerimus;
 vel conuixe-
 rimus.

*

F I N I S.

Her



HERMANNVS

SCOT. HESSVS,

Candido lectori

S. D. P.



On te malè habeat, le-
ctor candide, neque na-
sum tibi cōtrahat, fron-
tēque corrugēt, quòd
non ad amissim om-

nia, aut honestatis copia cornu hīc le-
gis, aut reperis: sed scias, non omnia
vno libello posse aut tradi, aut doceri,
sed varios accedendos esse authores ei,
qui elimata virtutis alumnus cupit
offici. Tu igitur, hac memori mente te-
neto. In summa dicam. Quisquis hone-
statem, suūque requirit officium:
Magistratui obtemperet, prudentio-
res consulat, legibus pareat, temporibus

locosese accommodet, aut aliorum
 exemplo, aut sapientum monitu & sua
 su: sciâtque non omnia posse præscri-
 bi, aut chartis tradi, sed multo tempo-
 re, usu, & experientia discenda. Vale,
 lector amice, ac virtutem & honesta-
 tem amplectere: sic tandem lignum,
 (ex quo Mercurius fit) efficieris.

At caue, ne cùm Marteco-
 phoruses, Bacchus non
 sis. Colonia, sexto

Calendas

May.

*



IOANNI LAV-
RENTIO ZIRICEO,

bonarum literarum stu-
diosissimo iuueni,

Adrianus Bar
landus

S. D. P.

EX Tornaco, in qua nunc
urbe manes, alumne sua-
uissime, per literas à me pe-
tisti, ut quem audieras me
scripsisse de Christiani hominis insti-
tutione libellum, in lucem emitterem.
Itaque quum honestam iudicarem po-
stulationem istam tuam, licet ad incu-
dem reuocare, & expolire non daretur
homini occupato, intèrque res agenti
inquietissimas: volui tamen aliorum

me potius exponere maledictis, quam
 tuo deesse, ac non satisfacere honestissi-
 mo desiderio, Quamobrem hanc lucu-
 bratiunculam meam nunc ad te mit-
 to, inuidorum detractioes cum
 hac mea obsequendi facul-
 tate pensaturus. Vale.

Louany, Tertio
 Idus Ianna-
 rias.

INSTITVTIO

CHRISTIANI HO-

minis, per Adrianum Bar-
landum Aphorif-
mis digesta.

*Prima adolescentia qualis esse
debeat institutio.*



Xacta in hilaritate,
remissionēque ludo-
rum pueritia, filium
parens annum agen-
tem ætatis septimū,
ad capeſſendas literas in ſcholam
deducat. Et ſi bonum hunc habere
cupiat ex ſe genitum, non ad luxum
(vt vulgus parentum facit hodie)
ſed ad modēſtiam educat, non blan-
ditijs emolliat: ſed caſtigatiōibus
cohibeat, piē, religioſēque iſtituat.
Pleſtat, ſi deliquerit: laudet ſi bene

obtemperantérque se gesserit: minis
 ac verberibus à vitijs deterreat, ex-
 hortationibus ad virtutem accen-
 dat: magis de filij moribus, quàm
 sanitate sit sollicitus. Præceptoribus
 committat eum humanis, grauibus,
 eruditis, non iracundis, non clamo-
 sis, non indoctis, nō malè etiam mo-
 ratis. Vbi iam literas, & Latinè loqui
 didicerit, ad ea se studia conferat,
 quæ animum præceptis instruunt.
 In his Philosophia est. Hæc sola na-
 turam ex bona meliorem, ex mala
 castigatiorem, correctiorémque fa-
 cit. Assuescat Christianus & discat
 honorandum in primis Deum, vn-
 de bona cuncta fluxerunt. Discat
 rationi parère: eamque ducem ac
 moderatricem sequi in omni vita,
 in omnibus dictis & factis. Nihil
 nisi quod honestum, quod iustum
 sit, appetat, aut agat. Cogitationes
 quoque ipsas coërceat, quarum etiã
 ratio

*Hoc
 est pri-
 mum,
 & ma-
 gnum
 manda-
 tum.
 De om-
 ni ver-
 bo otio-
 so.*

rationem est exacturus cordium iudex Deus.

Deum pijs gratificari, malos punire.

Credis Deo gratam esse iustitiã, eumque vt cœli terraquẽ dominum & conditorem veneraris, precibus fatigas assiduis, noctes diẽque nomen eius laudibus prosequeris, & id perpetuò agis, vt bonis hunc tibi demerearis & iustis operibus? Nihil dubites, quin vt potest, ita & gratificari velit. Quid enim huic magis quàm beneficentia conuenit? Rursus quid alienum magis, quàm ingratitude? Vult igitur piẽ sanctẽque viuentibus præstare aliquid ac vicem reponere, ne quis ingratum dicat: vt facinorosis, adulteris, parricidis, raptoribus verè irascitur. Cùmque nullum videt esse peccandi finem, exurgit tandem ad sceleribus tot inquinatorum ultionem, delètque nocentes.

*Iram quandam iustam, utilem,
ac necessariam esse.*

*Ira sci-
mini,
et noli-
te pec-
care.*

Serui, liberi, discipuli, quos in po-
testate habemus, delinquunt. Ira sci-
mur, clamamus, verberibus coërce-
mus. Hac ira peccatū non est. Bono
enim viro non potest non displicere
prauū quod est: & cui improbitas di-
splicet, cōmouetur, si quos viderit de-
linquētes. Exurgit igitur ad vindictā
parēs. Virgas praeceptor expediti iu-
bet, nō quod lāsus sit ipse, verū vt di-
sciplinā seruet, mores corrigat, licen-
tiā cōprimat. Hac iusta ira homines
in subditos, & in peccatores ad pra-
uitatis correctionem vtitur Deus.

*Vitiosam esse in peccatis irae
cohibitionem,*

Reprehendēdi sunt vehementer,
qui in subditorū sceleribus iram cō-
hibentes, aut saepius quā oportet,
aut semper ignoscunt. Per tales, siue
patres, siue dominos, siue magistros,
& vi

& vita illorum perditur, quorum per intempestiuam eiusmodi lenitatem ad maiora flagitia nutritur audacia iuuenilis: & qui sic præsunt sibi ipsis, perpetuam molestiarum materiam subministrant. Hic igitur non cohibebimus iram, sed etiam, si iaceat, excitabimus.

Acte vita faciendum esse rationarium.

Rationariū, sibi quisque faciat corū quæ accepit, quæ expenderit, quæ vtiliter beneque loquutus sit, quod oriosum verbum protulerit. Quid auditum ab aliis per aurium velut ianuas admiserit. Quin & regulæ quædam siue canones lingux sunt imponendi: sic, vt prius verba intra os ad limam veniant, quàm proferamus sermonem. Ita compescenda mens Nes
quod
intra
per os. est, ne quid noxium exeat ac pestilens. Et si quid fortè illatum foris, id est statim abijciendum, ne noceat. Si quid intus natum fuerit:

mox

mox id studio; aut pia aliqua cogitatione effugere curabimus.

Viatica futurae vitae paranda.

Et vos
estote
parati.
Matt.
25

Vt qui in longinquam regionem profecti, prius aliquantò quàm domum redeant, itineri necessaria corradunt, ne fame pereant: ita & nobis in huius vitae peregrinatione faciendum. Reponenda sunt bonorum operum, iustitiæ, humilitatis, continentiae, & cæterarum viatica virtutum: vt quocunque tempore, quocunque die, quacunque nos hora Deus euocauerit, quod ad patriam ducit iter ingredi, paratos inueniat.

In hac vita abluendas esse peccatorum sordes.

Per confessionem abluere peccatum tuum Christiane. Qui enim in hac vita quæ peccauerit, abluere recusat: postea consolationem non inueniet: post mortem enim quis confiteb

fitabitur Domino? Hîc confligendum, hîc certandum est, nisi quo tempore laborum præmia dabuntur, confundi malis.

Vitandum esse scandalum.

Si virtutem exercueris, videntes id alij, non te solum laudabunt, sed & Deum glorificaturi sunt. Cùmq; hæc fecerint, & tuæ retributiones au-
 gebuntur, & multum tibi bonorum concedet Deus, quod per bonum opus tuum ab illis laudatur. Stude igitur modis omnibus, ne cui sis offendiculi occasio. Paulus dixit: Si ci-
 bus offendit fratrem meum nunquã in æternum carnem comedam

*Mat. 5
Sic lu-
teant
opera
vestra.
Veni-
do à
scanda-
lis.*

Doctrinæ opera iniungenda esse.

Nemo debet seipso cõtentus esse. Vult enim Deus, vt & alios ædificemus: non doctrina tantum, sed & vi-
 ra, & moribus, & cõuërsatione homines malunt exempla, quàm verba. Non tam obseruant quæ dici-
 mus

mus, quàm quæ facimus. Non tam profunt benedicta in suggestu, in scholis, in concionibus, quàm nocent ea quæ malè facimus. Factis verba, qui firmaverit, hic dignus habetur, ut præfideat alijs. Beatus, qui fecerit & docuerit.

Quæ facienda ieiunanti.

Ieiunium perfectum. Ut verum, ut perfectum sit ieiunium tuum, iracundiam cohibeas, mansuetus sis ac lenis, cor contritum habeas: concupiscentiam fac repellas. Liberalem te præbeas in danda eleemosyna, nullum malum aduersus fratrem tuum in cor admittas oportet. Huiusmodi fueret tot sanctorum patrum ieiunia. Sic Hieronymus, sic Antonius, sic plerique alij in eremo ieiunauerunt. *Ieiunium vulgi.* Vulgus ieiunare se existimat: si ante solis occubitum nihil cibi capiant, aut si pransi nihil postea comedant. Hoc non quaritur: sed dum ieiunamus,

&

& ventri bellum velut indiximus, ciborum abſtinentiæ iungatur & à cæteris rebus abſtinentia, quæ nocere poſſunt, & maximos nonnunquam excitare tumultus.

Plurimum boni adferre humilitatem.

Si nos verè humiliauerimus nunquàm ira commouebimur, nunquàm proximo ſuccenſebimus, nullius famæ obtreſtabimus. Beati qui ſic ſe habent: ſoli in portu nauigant ab omni tempeſtate liberi, ab omni perturbatione ſecuri: ſoli affectionibus ſopitis, multa requie fruuntur. Id quod CHRISTVS ipſe futurum prædixit: A' me diſcite quia mitis ſum & humilis corde, & inuenietis requiem animabus veſtris.

Quid faciendū ieinnare nõ valentibus.

Ieiunare non potes? Largius erogato in pauperes: in precibus ad Deum fundendis: eſto feruentior, ad diuina audienda eloquia, & ſa-

cras

medico inspiciendum, qui animæ tuę curet & sanat vlcera, neque expro-
bret. Accipe hęc remedia. Soli loque-
re. Dicitur quid peccaueris. Cõfessio
enim eorum, quibus grauitè Deum
offenderimus, abolet etiam delicta.
Prophetam audi loquentem: Dic
tu prior iniquitates tuas, vt iustifi- Psal. 5
ceris.

*Animi curam non magno constare,
vt corporis.*

Leuis est ac facilis animi cura. Ni-
hil enim, vt hic valeat, insumimus,
nec laboramus. Contrà, si corpus
agrotet, quid non impendimus nũc
in medicos, nunc in res alias? vt de
his nihil dicam, quæ præter vsum ne-
cessarium, luxu absumimus. His nõ Mat. 6
indiget anima, cui scripturarum le-
ctio pro cibo est, vestitus, eleemosy-
na, & in pauperem largitas. Orna-
tus verò, quem & corpori apponere
solemus, assiduè preces, confessio

peccatorum & lachrymar. Manè vestiti faciem abluimus, ne quid sordidum hæreat. Quantò maiore est cura abluendus animus, vt hunc amabilem & formosum offeramus Domino?

Homo quis dicatur

Non qui os, nares, genas, & cætera membra ostendit: sed qui virtuti sit deditus, vitia fugiat, illicitis imperet & dominicis obtemperet mandatis, hunc hominem dicas. Prius huiusmodi hominis appellatione peccatorem sanctæ Literæ: quo quid miserabilius? Nunc enim terra, quòd terrenis cogitationibus pareat: nunc ob salacitatem, equus: nunc ob mentis dolum & málitiam, progenies viperarum dicitur.

Matth
23

Gratiarum actionem ad bene uiuendum conducere.

Deo nihil acceptius esse potest, quàm si gratias egeris quotidie pro

tot beneficiis, quæ illius benignitas suppeditat humanis vñibus. Apostoli vox est: Grati estote. Non sunt tibi communia tantum, quæ omnibus contulit hominibus: sed priuata etiã cogitanda beneficia, proque his agenda gratiæ. Memoria enim beneficiorum CHRISTI, optima est ad bene viuendum magistra. Hęc enim sola in torporem incidere, ac malum sectari non patitur: Hac item ratione à brutis homo differt, vt omnium conditorem Dominum laudet, celebret, glorificet. Maxima sunt ea, quæ in nos iam contulit. Corpus & animam dedit: oues, & boues, vniuersa pecora campi nobis produxit. Prophetas misit, qui nos instituerent & prauitatem humanam corrigerent.

Postremo, crescente in malum vehementius omni genere mortalium, diffusis vñdique sceleribus, & quod

nequius est omnium, cultibus idolorum, miseratus genus humanum, in terras misit vnigenitum Filium suum, vt carnem indueret, & hominibus appareret, & nos peccatores sanaret. Hac tanta Dei in nos beneficia dies noctesque cogitemus, vt assidua cogitatione ad agendas gratias mens compellatur.

Ebrietas mala.

Sensus humanos excacat ebrietas, mentem submergit: & hoc animal, cui subiecit omnia Deus, velut mortuum iacere compellit.

Ridetur interim ab omnibus, vxore, liberis, famulis, digito monstrat vicini tota. Amici, dedecus hoc suum existimantes, subducunt sese. Gaudent, irrident, execrantur qui male volunt: pecudem, porcum, aut aliud quod sit foedius, hunc ralem vocitantes, Obnoxius daemónio, si in obuios fecerit impetum, vestem ruperit, obscæni

scœni quippiam dixerit, venia dignus videtur: ebrius si quid tale faciat non modò ei non ignoscitur, verùm accusant omnes, noti, ignoti, amici, inimici, indignantur, imprecantur mala omnia.

*Non in ædificiis parandam esse
nominis memoriam.*

Consules, magistratus, vrbium præfecti, satrapæ, Abbates, Episcopi, quanto nunc studio splendoras, regumque palatiis similes domus ædificant? Hos si roges, cur in res huiusmodi tantos faciant sumptus, tantum pecuniarum profundant: id tibi respondetur, id audies: Vt nominis aliquam sui memoriam relinquant apud posteros: & à prætereuntibus dicatur, Hanc ille domum extruxit. Hæc arx, hæc tam splendida domus illius est extructa pecunia. O stultitiam! O curas hominum, quantum est in rebus inane? Hoc enim

consilio, hoc proposito ædificantes, non laudem (vt ipsi existimant) sed crimen sibi pariunt.

Hac enim & illis adhuc viuentibus, & iam mortuis audiuntur: Hæc domum, has ædes, hanc arcem avarus ille, rapax, & viduarum spoliator ille extruendam curauit.

Memoriam hoc pacto assequuntur isti, an perpetuis obiciunt se criminibus? Si nomini suo consulere volunt, & æternitatem ambiunt, viam ego istis aliam monstrauero, qua celebrentur & encomiis euehantur quotidie.

Si pecuniam extruēdis villis, porticibus, ambulachris paratam, in eos erogare studuerint, qui verè pauperes sunt. Hac benignitate, hac misericordia, & nomen immortale sibi parauerint: & à peccatorum graui sarcina liberati, multam sibi apud Deum conciliauerint fiduciam.

Per

Periculofam rem effe ambitionem.

Tu qui Christum feftaris, pri-
matum noli concupifcere, memor
Paulini illius: Honore alius alium
precedentes, date operam, vt in om-
nibus humiliemini. Qui fic agit, pri-
matum habet: Christi enim vox eft:
Qui feipfum humiliat, exaltabitur.
Humile nunquam dixero, qui natu-
maioribus, vel etiam aequalibus ho-
norem exhibuerit: hoc enim debet,
Vera eft & absoluta humilitas ac
modestia, fi cedas his, qui te videan-
tur minores. Verè fapit, qui fe putat
minimum, & omnium effe postre-
mum. Sola enim hac via & ratione
vtilitatem nobis attulerint, quæ fe-
cerimus opera bona.

Ex luxu quantum mali.

Vis digna cælo operari? Ne fpe-
ctes ea, quæ funt mundi huius: vitæ
huius gloriam vanam ne quaras.
Vides alios in veltium luxu occu-

potos? tu animæ curam agito, vt hæc virtutibus ornes. Delitias rideto: gulam & crapulam fugito. Non prandia canas & conuiuia, sed frugalitatem sectare.

Ex superfluis enim quid utilitatis? quid commodi? Commodum iudicas fortasse, multum vorare, vinum bibere, ac ventrem distendere: ac bonæ menti plurimum nocet immodica potatio. Non dici potest, quantum hinc malorum & corpori & animæ accersitur. Morbi hinc & membra distorta: hinc adulteria, stupra, rapinæ, cædes, latrocinia. Domi habes repositam auri vim ingentem? distribue verè pauperi. Serico indutus procedis in publicum? Digitos habes auro reuinctos? Parte huius pauperes quot ali potuerunt? In summa fieri non potest, vt quis & animæ curam agat, & tanti faciat voluptates, & corporis ornatum.

*Facite
vobis
amicos*

*Nemo
potest
duobus
Mat. 6*

Ma

Magnū bonū esse concordiam viri & vxoris.

Ibi diuitiæ, ibi magnæ sunt facultates, vbi concordia est viri & vxoris. Tales enim etsi tenui re familiari, omnium tamen sunt beatissimi: soli veram percipiunt noluptatem, soli in maximâ viuunt animorum tranquillitate. Sublato igitur per zelotypiam, aut aliis malis concordia bono, etiâ si Cræsi possideant opes, miserimi sunt omnium mortaliū. Noui hîc quotidie tumultus, iurgia, suspiciones, domestica & interna bella, multa amaritudo, nulla voluptas. Proinde, qui matrimonij vinculo iuncti, ac velut sunt concatenati, velim nihil concordia, bonorū omniū radici præferendum existiment: omnia sic agant, vt pax & tranquillitas sit in vna domo, sub eodem tecto manentibus, in eodem quoque lecto quietem capientibus. Hanc pacem

comitabitur id bonum, vt filij ex eo matrimonio nascantur boni, & virtutis amantes. Ministri item, & tota denique familia religionem, pietatē, modestiam herilem imitari studebit. Ita fiet, vt per duorum concordiam, multiplex affluat vndique rerum prosperitas. Quid enim nō succedat diuinis posthabenti humana?

Inuitatio ad hospitalitatem.

Abiectus quispiā & vilis & pauperculus te adit, stipem poscit, hospitium rogat, admitte: & si habeas vnde alas, cibum appone. Hospitalitas hæc & negotiatio magnum tibi lucrum attulerit. Si tam diues non es, vt possis, aut etiam nolis, ne durē compelles petentem. Non cogit, nō vim facit aliquam: sed orat, supplicat, obsecrat. Habes vnde subuenias indigēti, neque subuenis, neque largiris quicquam, apud iudicē Deum quid dices? quo te pacto defendes?

Lau

Lautè vesceris, plus quàm vsus requirit in sumis quotidie. Quantum hîc damni facis? quantum elabifinis & excidere è manibus lucri? Aurum arcis inclusum rubigine absumitur, imò furibus auferendum seponitur, & proximus tuus fame perit?

Opibus abundas, & his solus vteris, imò ne vteris quidem, nec indigenti cõmunicas, & gehennę ignem te putas effugiturum?

Proximus tuus, frater tuus esuriens obambulat, & tu in delitiis agis?

Non subuenis, quanquam non multum petenti, nempe panis frustum, quo famem subleuet? Sub dio sedens hic frigore perit: tu holoserico indutus, clamantem, numulũ petentem, immisericorditer præteris.

*Fieri posse, ut quis inter malos
etiam bene viuat.*

Sodomitis nefanda patrantibus, *Ge. 19*

Lot

Loth in medio impiorum habitans, solus in tāta sceleratissimorū hominum turba rectā viam ambulauit.

Non est igitur vera eorū sententia, qui dicunt fieri non posse, vt qui in oppidis & hominum frequentia degunt atque versantur, boni sint, & virtutem custodiant, sed in solitudinem & loca deserta secedendū esse, vt bene recteq; viuatur. Neque hoc ideò dicimus, quòd secessum, quòd vitam solitariam damnemus: cōstat enim sanctè permultos in solitudinibus vixisse: sed monstramus sobriè agere volentibus, nihil obsistere hominum frequentiam. Pigro & negligenti solitudo quid prodest?

Neque enim locus, sed mens & mores bonū faciūt. Vellē sicut Loth erat præstantes virtute vnum & alterū in ciuitatibus esse, qui quasi scintillæ quædam in medio lucentes, ad sui alios imitationem traherent.

Plurimum conducere viventibus etiam, illorum virtutes, qui multis retro seculis obierunt.

Hominis Christiani hoc vnum sit studium, huc omnes eius spectent conatus, vt bene viuendo, rectè agendo memoriam sui relinquat, non ad inanem gloriam, quod in suis poëtæ studiis & carminibus fecerunt: sed vt posteaquam hinc migrauerit, diligentem eius & accuratam vitæ conuersationem, tanquã monumētum & doctrinã habeant posterī in quã assidue spectent. Vir bonus enim & iustus & castus non modò quum caducum, hoc est, & mortale corpus circumfert, verùm etiam post hanc vitam, vbi terras reliquerit virtutum exemplis multum prodesse potest, eadem facere, ad eundē viuere modum volentibus. Vt quisque sciat & intelligat, quantum exempla & bona aliorum opera, ad bene agendum accen

*Iosephi
in
signis ca
stitatis
constantia.*

accendant: si quis ad continentia & castitatis æmulationem sit prouocandus, memorabile & insigne Iosephi Israëlitæ factum adferemus in medium: qui eleganti forma iuuenis, in ipso virtutis flore mirabilem præ se tulit castitatis constantiam. Quis enim non hunc miretur in lubrico ætatis, maximè quo tempore accendi solet concupiscentiarum fornax, à Putipharis, quì Pharaonis in Aegypto Archimagirus erat, vxore stupri compellatum, & iam ad patrandum scelus apprehensum, relicto in manibus eius palliolo, quo indutus fuerat, nudum sese ad fugam expedisse? Nouum profectò & omnibus seculis admirandum spectaculum. In leænæ ungues inciderat agnus, & seruatus est.

*Ex magno in Deum amore nascitur
charitatem in proximum.*

Seruiuit Iacob pro Rachel annis
septem

septem: & erant coram eo quasi dies pauci, eò quòd ipse eam diligeret. Hoc audi ignaue Christiane & in Deum ingratissime. Iustus ille, vt cuius accesus erat amore, puella portiretur, ferré omnes pastoralis vitæ constituit ærumas: cubare sub dio, in ediam pati, pluuias, ventos, frigora, niues contemnere. Quid te excusabis, qui non pari amore bonorum omnium largitorem Deum prosequeris? Qui nihil requirit à te aliud, quàm vt ipsum diligas ex toto corde. Quod si feceris, nec fratrem tuum despicias, memor verbi illius domini: Qui fecerit aliquid vni horum *Matt.* minimorum, mihi fecit. Effundes²⁵ magis liberali mente indignis facultates tuas, quasi depones eas in manus domini *LES V.* Qui quod semel accepit, non solum reddit, sed multiplicatum nobis & auctum largitur.

*Optimam esse eleemosynam, cui alias
virtutes adiunxeris.*

Vis tibi prodesse, quum ex substā-
tia tua facis eleemosynam? Reprimenda omnes carnis affectiones,
eliminanda sunt tibi ex animo illi-
cite concupiscentiæ, mala cogitatio,
ira, inuidia. In quorum locum suc-
cedant virtutes.

*A multis peccare per iram, per li-
bidinem, quia nesciant fines
bonorum ac malorum.*

Deus corpori humano varios de-
dit sensus ad vitæ vsum necessarios:
ita & animo varij sunt attributi affe-
ctus, queis constaret vitæ ratio, libi-
do gignendæ gratia prolis data est.
Ad cohibenda delicta est iræ datus
affectus. Verum (proh dolor) quàm
multos videas, qui fines bonorū ac
malorū ignorātes, libidine vtuntur
ad opprimendas virgines, ad nefan-
dos coitus? Ira vtuntur, vt noceant
iis

iis quos odio habent. Hinc ad maxima quotidie facinora procurritur: hinc certamina inter homines, pugnae, contentionesque nascuntur.

Multorum mores ac vitam cum aetate mutari.

Multos aetatis progressus resipiscere videmus quotidie: ut ex peccatoribus iusti, ex malis boni, ex improbis continentes fiant. Vidi multos in adolescentia scortatores, aleatores (nolo dicere peiora) qui tamen postea laudabiles extiterunt.

Deum nulla re alia, quam morum emendatione placari.

Numen sceleribus nostris irritum, placat morum emendatio, non tura, non hostiae, non pretiosa munera, quae omnia corruptioni subiacere videmus. Facere vis mortalem Dei iram? Male facere desinito. Deus ideo in praesenti vita quae male facimus non punit, ut resipiscendi

facultatem habeamus.

Deum amandum & metuendum esse.

Amemus Deum vt patrem, vereamur vt Dominum: honorem exhibeamus vt benefico, metuamus vt seuerum. Pij esse non possumus, si animarum parentem Deum non diligimus. Nec sine periculo contemnitur, cui rerum conditori ac domino in omneis homines vera est ac æterna potestas. Pater est, vt qui ortum nobis ad lucem, qua stauimus, subministrauerit. Deus est, cuius benignitas nihil non suppeditat vñibus nostris. Hic solus alit, sustentat solus. Huius esse domum in qua habitamus, huius nos esse familiam, negare non possumus.

Nihil esse fidem sine operibus.

Ex Chrysostomo.

Doctuses, vitam negligis. Quid tibi doctrina prodest? Rursus vitæ curam geris, in fide claudicas. Ne

ita

ita quidem seruari potes. Qui audit, idemque facit, hunc prudenti viro assimilabimus.

Fratrum curam habendam esse.

Ex eodem.

Cuiusque officium est, proximum errantem a peccato ad virtutem velut manu ducere. Deus ipse hac causa nostram carnem indutus, mundum ingressus est. Multa tulit, fecitque puer, sudauit, & alsit: mortem denique suscepit: ut humanum genus peccatis obnoxium redimeret. Cuius nos exemplo adesse proximo debemus, agnoscetes hunc ut membrum nostrum. An non quæso ex diaboli faucibus eripitur frater, qui sana cuiuspiam doctrina in viam virtutis reducit, & facit recta? Qui diues, ipse pecuniam suppeditat indigenti; largiter erogat in pauperes: maius tamen est illius opus, qui monendo assidue, docen-

dóque segnes ac vitijs deditos, in
viam rectam inducit.

Qualis vxor quarenda.

Quo tempore olim sitis habendi,
& auaritia nondum sic inualuerat,
si cui honestè nato adolescenti vxor
quarebatur, non de multa substan-
tia, diuitijs, agri iugeribus, formæ
elegantia quæstio erat, sed quàm
esset proba & morata puella, quæ
adolescenti nuberet eiusmodi. Et
nunc hoc tantum quæritur: Quàm
diues, quantam expectet heredita-
tē: iuxta illud Satyrici: Protinus ad
censum de moribus vltima fiet que-
stio. Imò plerunque nulla quæstio,
Placet superba, placet improba, si di-
ues est, si pecuniam habet, si multa
possidet agri iugera.

*Cur mortis diem notis incertum
esse Deus voluerit.*

Hominem ideo Deus fati diem
fui

sui ignorare & nescire voluit, vt as-
siduo virtutum studio & vigilantia
præpararetur. Dicit ille: Vigilate,
quia nescitis diem, neque horam.
Atqui homines omnino diuersum
agunt. Iussit ille vigilare, & dor-
miunt nihil agentes boni. Dormiūt
igitur in virtutibus, vigilant in vi-
tijs. Quod genus hoc hominum?
Quàm multos passim videas in ma-
lis nimium strenuos, in bono se-
gnes? Moriuntur, abeunt, decedunt
quotidie multi tam iuuenes, quàm
senes, neque parcitur vlli: tamen
nec sic quidem ad virtutis studium
adducimur, neque nos ita para-
mus, vt despectis præsentibus, futu-
ra desideremus.

Puerorum curam habendam esse.

Parentes, filios vestros continen-
tiam docete. Malè enim agendi con-
suetudo, vbi temporis progressu vi-
res ceperit ac inualuerit, nulla vin-

titur admonitione. Tum quasi in captiuitatem abducta iuuetus, quocunque malignus vocarit spiritus, it: hunc nihil nisi perniciosum imperantem sequitur, huic paret præsens tantum voluptatis respectum habens, de futuris cruciatibus nihil cogitans. Manus igitur præbete pueris vestris, aliòqui pro peccatis & sceleribus eorum ipsi pœnas luituri. Venientibus semper malis occurrere est optimum. Serò medicina paratur, Quum mala per longas conualuere moras. Qui liberos habetis, curate vt honestè educantur. Præceptores quoque, & qui alij pueros domi alunt, curam eorum agant, lucrum maximum esse putantes, vtilitatem & salutem proximi, doceant eos quæ ad bene viuendum pertinent. Peccata tunc effugere doceant, ad virtutem capeffendam hortentur.

Filijs thesaurizare periculosum esse.

Diues auare, vt quàm plurimum relinquas, perpetuò congeris. Agros emis, edificas, diruis, mutas quadrata rotundis. Vtquæ hæc diutius facias, ab alijs rapis, alios fraudibus circunuenis, alijs negotium faceſſis. Et si quis roget, cur hæc facias, cur querendæ pecuniæ post omnia ponas, filios prætexis. O cæcitatem! O insaniam! Non vides, non sentis has liberis tuis diuitias, malè viuendi materiam & occasionem relinqui? Si per ipsam hæc ætas ad libidinem, ad luxum, cæteraque vitia procliuius est, quantò magis accedente iam rerum omnium affluentia ad malum procurrat? Nunquàmne vidisti ignem, simul ac fomitem inuenerit, flammis exurgere validioribus? Ita & iuuenilis totus accenditur ad peccandum animus, per irritamenta malorum, diuitias.

Qui pauperes Deo, qui diuites.

Si illud non agitas, si nō huc contendis, vt iustitiam habeas, pauperes, etiam similia frumenti tua triuerit area centum. Deo solus diues, qui virtute præditus est. Huic vis esse egregius? bonitatem & innocentiam præsta. Vis esse clarissimus? opera misericordiæ largiter facito. Vis perfectissimus esse? omnes virtutis gradus impleas oportet: hoc est, vt malis operibus, malis verbis, rerum denique malarum cogitatione abstineas.

Quis homo verè sanus.

Si oculis, capiti, pedibus, lateri, reliquis omnibus membris bene est, vulgus te sanum iudicat. Philosophus nihil minus, si ira exasperaris, superbia tumidus inflaris, libidini seruis, cupiditatibus inardescis, auaritia prosterneris. Ita sanum te dixerit ille, si non attollas ad
alie

alienam felicitatem oculos. Inuidus alterius rebus macrescit opimis. Si diuitias nō admireris, alienam vxorem sanctè videas, nihil omnino appetas, non concupiscas alienum, nō fastidias quenquam. Humilem te, misericordem, beneficum, mitem, humanum exhibeto, pax in animo tuo perpetua versetur. Qui sic vitam hanc traducit, Philosophus sanus, iustus, perfectus est ille.

Opera misericordiae.

Verè misericors est, qui ab hoste captos redimit, ægros pauperes visitat, fouet inopes, pauperes si obierint, insepultos iacere non patitur. A potentiore oppressos eruit, tecto indigentibus domum aperit, hospitio excipit, pupillos defendit & viudas. Hæc opera qui fecerit, verum & acceptum immolauerit Deo sacrificium.

Penitentia auxilium.

Conserua domum tuam immaculatam, omni labe pectus euacua, vt templū & hospitium Dei esse possit: quod nec auri nec eboris nitore, sed fidei & castitatis fulgore illustratur. Sed audio quid dicas: Difficile hoc esse homini, nec humanæ pati conditionē naturæ, vt quisquā sine macula viuat. Hoc igitur suadeo vtē dum esse remedio, vt ad pœnitentiā confugas, quæ non minimū & postremū occupat inter virtutes locū. est enim hæc sui correctio, vt cū fortē aut re aut verbo lapsus fueris, statim resipiscas, & te deliquisse fatearis, orēsque à Deo veniam, qui pro ineffabili sua misericordia non negabit, nisi tu in errore perseueraueris. Magnum est pœnitentiæ auxilium, magnum solatium. Hæc vulnera, hæc peccata nostra sanat: hanc spem, hanc portū salutis habemus,

Vbi

Vbi & qualis pietas.

In eius pectore pietas habitat, qui bella nescit, qui cum proximo concordiam omni studio servat, qui amicus est etiam inimicis, qui omnes homines tanquam fratres diligit, qui cohibere scit iram, omnemque animi furorem tranquilla moderatione lenire.

Omnia quæ improbè sunt, ab his tribus oriri affectibus : ira, cupiditate, libidine.

Cohibenda ira, compescenda cupiditas, refrananda libido. Ita enim vitium fugeris. Nam omnia ferè quæ iniustè, atque improbè facimus, ab his tribus fluunt, & profiscuntur affectibus.

Omnes hominum contentiones sopientur, impetus iræ si retundatur. Neminem insidiari, neminem prosilire ad nocendum videbis.

Cupiditatem si cōpescere studuerimus

rimus, nemo terra, marique grassator metuendus erit, nulli educentur exercitus vt rapiant & vastât aliena.

Libidinem si quis studeat comprimere, & iuuenes, & senes, & viri, & foeminae, prophani & initiati, suam retinebunt sanctitatem. Huc agi nemo poterit, vt quicquam pudendum aut patiatur aut agat.

Sepulturam non valde curandam esse.

Quis non eos vehementer damnet, qui patrimonia in res superuacuas prodigentes, marmorea sibi statuunt sepulchra? Mibi certè videtur isti bona sua in terram sepelire. Neque opera eiusmodi memoriam aliquam aut æternitatem nominis, quæ fortasse quæritur conferunt.

Nam aut vnus dissipare motus terræ, aut fortuitum hæc potest consumere incendium, aut hostilis aliquis impetus diruere. At si nihil horum eueniat, certè conficiet & con-

sumer

sumet vetustas. Meritò igitur quis eos reprehenderit, quibus sunt talia cura.

Ne dicas miserum, qui in terra aliena, in solitudine, in loco obscuro, addam, neque in lecto decesserit, sed qui in peccatis mortuus est.

Ridicula sunt & illa, morienti neque cognatus, neque affinis, neque amicus adfuit: Tum omni sepultura ac funeris honore caruit. Nihil hinc ille damni accepit. Multorum quoque prophetarum & apostolorum sepulchra in terris ignorantur.

Dole, ingemisce lachryma, si nondum lotus ab iniquitate tua decesserit amicus. Est enim mors peccatorum pessima: gaude, si purus ab omni crimine & mundus, mundum reliquerit.

Nam pretiosa in conspectu domini, mors sanctorum eius.

Transcunt enim in vitam meliorem

rem, vbi suorum accipiunt pramia
laborum.

Sacerdotum opes ad quem usum

relicta.

Cardinales, episcopi, abbates, a-
gros hodie, villas, vicos, vrbes quoq;
possidentes relicta hac sibi existi-
ment, non vt seruiant voluptati-
bus, sed miserorum necessitati sub-
ueniant.

Hoc in genere multum proban-
di sunt, qui pecunia & opibus suis,
adolescentes, quorum res domi an-
gustior, & in quibus vis ingenij &
indoles aliqua ad virtutem prelucet,
bonis artibus instituendos curât: vel
illud exercent liberalitatis genus, vt
inopes, & omni humana ope destitu-
tas mulieres adiuuent.

Nihil enim Deo acceptius, quàm
prohibere ne mulier inopia, & co-
gnatorum negligentia, coacta, se
prostituât.

Equi

Equidem nescio quales sint Episcopi & Abbates, qui tot possessionum se dominos, non dispensatores esse putantes, omni posthabita egentium & bonorum cura ingeniorum, congesta ex agris, nemorumque proventibus annuis pecunia, auream, argenteamque supellectilem comparant. Phaleratos equos, canes venaticos, ab extremis etiam terris magno are quæsitos, & greges domi pessimorum alunt assentatorum.

Si vera loqui permittimur: his moribus factum est, ut vulgus hoc tempore non solum eos, verum & alios sacris initiatos viros odio prosequatur plus, quam Vatiniano.

Pulcherrimam esse virtutem modestiam, & Deo gratissimam.

Vis antiquorum imitari modestiâ patrum? Vide ne extollaris, ne de te sublimia sentias: verum modestia conspicuus cede aliis, & inferior

rrior haberi conare: ne his aduerseris, qui iniuriam fecerint. Contumelia affectus ipse, ne sis ferox, etiam si te contemptior ille, qui malè fecerit. Mansuetudo & lenitas furorē comprimant.

His virtutibus id assequeris, ut ab omni liberatus amaritudine, multa fruaris quiete.

Qualis oratio nostra, quales ioci esse debeant, & conuiuia.

In omnibus quæ dicis aut facis, animum oportet habeas à perturbationibus liberum, ne libidine aut metu aliquo commoueare, ne quid in sermone cupiditatis, aut pigritiæ, aut ignauitiæ appareat.

Ludo quoque ac ioco sic utere, ut omnis absit petulantia, & verborum obscœnitas.

Præceptis parendū est, quibus iubemur, ut neque turpibus, neque gaudeamus obscœnis. Damnat

& Veneris vsus omnis extra coniu-
gium, extra viri & vxoris coniun-
ctionem.

Vt de vitio quoque palati aliquid
dicamus, prohibentur & comesta-
tiones & intemperata conuiuia.

*Ad misericordiam exhortatio obiur-
gationi commista.*

Plerisque nostrum superuacua &
otiosa domi est pecunia. Nulla Euā-
gelica lectio, nullus Hieronymus,
nullus Augustinus, nullæ tot sancto-
rum lucubrationes patrum de con-
temptu rerum huiusmodi scriben-
tium huc nos possunt adducere, vt
aliquam hinc portiunculam distri-
buamus fame laboranti, geluque rige-
scenti proximo. O dura, O saxeæ pe-
ctora! Quibus nos oculis iudicem
Deum intuebimur: cuius tam negle-
cti mandatū habuerimus. Nō man-
dat vt abiiciamus nostra omnia: frui
permittitur.

Cūque nostro satisfecerimus
 v'sui, tum eorum curam agamus, qui
 sunt verè pauperes, nulli nostrū mi-
 sericors Deus in hoc largitus est diui-
 tias, vt in arculis & promptuariis ser-
 uentur, imò putrescant: sed vt nostra
 abūdātia, aliorū subleuetur inopia.

Tantum huic numorum in pran-
 diis, lautisque cœnis, illi in vestibus,
 alij alio luxu quotidie profunditur.
 Frater mendicus interim, qui ob
 ætatem ingrauescentem, aut aduer-
 sam corporis valetudinem labore ma-
 num parare sibi victum non potest:
 is inquam frater nihil horum à no-
 bis petit, sed tantū vt famem sedet,
 vt viuat, & non pereat. Nos qui pre-
 cibus huius, & lachrymis non moue-
 mur, non fleemur, quid iudici Deo
 excusabimur?

*Hominum gloriam non esse ambien-
 dam ex opere bono.*

Vis boni quippiam operis aggredi

di? Vide ne facias ad hominum gratiam, sed vt te laudet oculus ille, qui nunquàm dormitat.

Si enim ab hominibus laudari studeas, indignum te reddis qui à Domino lauderis. Vtrunque nocet, perniciosum est. vtrunque in opere bono, si quis humanam spectet gloriam, & sublimia de seipso sentiat.

Quid aliud quæso, quàm miserabilem hunc & miserum verè dixeris? Hæc vna perniciosissima affectio de teriore fecit Publicanum Phariseo.

Quicquid igitur feceris operum bonorum, semper illud CHRIS TI ad discipulos in ore habeto: Quando omnia feceritis, dicite: serui inutili sumus.

Obiurgatur ananias.

Quousque ita insanis in congerendis opibus?

Quis te furor? quæ te rabies agitat vt nunquam satieris habearisque

-non fecus, quam ebrijs?
 in p. Nā vt illi quò plus biberint, quò
 plus vini ingurgitauerint, hoc sitiūt
 magis: ita nimirum & tu auaritiæ
 subiectus tyrannidi, nullum facis
 cupiendi modum.

et Crescit amor numi, quantum
 ipsa pecunia crescit.

Quò plus affluit opū, hoc magis
 apud te inualefcit habēdi cupiditas.
 21. Quid vtilitatis hinc accipis rogo,
 si totum mūdum lucreis, animæ ve
 rò tuæ detrimentum patiaris? quam
 interim auaritia expugnat, excoriat
 luxuria, confundit iracundia, & aliis
 multiphariam quotidie vexatur af-
 fectionibus?

Quid in pœnitentia querat Deus?

Nihil aliud à nobis peccatoribus
 requirit Deus, quam vt à peccato
 quiescamus. Pro præterito ratio-
 nem non exigit, si nos videat respi-
 scentes.

Hic est enim qui quotidie clamat:
Nolo mortem peccatoris, sed vt ma-
gis conuertatur & viuat.

Hic est ille qui dicit: Adhuc te lo-
quente dicam, Ecce adsum. Non sic
ipsi sumus nostræ auidi salutis, vt
ipse qui vult omnes homines saluos
fieri. Vnum requirit, vt peccata no-
stra confiteamur, confessi à malefa-
ctis temperemus.

In templo qui mores seruandi.

Illud quoque meminerimus, in
templo Dei vanis colloquiis, nugis
inutilibus, iocis & risu abstinēdum
esse, maximè quum sacerdos diuina
peragit officia.

Qui ab iis non abstinēt, offen-
dunt grauius, quàm quos Domi-
nus flagello eiecit de templo: gra-
uissimè verò peccant, qui in domo
Dei non aliter, quàm in prostibulo
versantur.

Nolo dicere, quæ in sacris etiam

locis patrare, & admittere audeat
hominum improbitas.

Orationē peccatoris infructuosam esse.

Quòd plerunque Deum patrem
orantes non exaudiamur, in causa
sunt peccata nostra. Quia iniquè
agimus, & ad iracundiam sceleribus
nostris quotidie Dominum prouo-
camus, idcirco inexorabilis est.

Frustrà enim oramus, si à vitiis
nostris non discedimus: luxuriari,
fornicari non desinimus, aut aliud
agere, quod diuinæ legi contrarium
sit. Deo supplicantes, in corde ad-
uersus proximum odij facibus arde-
mus. A Deo amari volumus, & ho-
mini, quem Deus ad imaginē suam
fecit, quem sanguine suo redemit,
irascimur.

Omnis remittenda offensa est,
placāndus qui aduersum te indigna-
tur. Tunc demum offeres ante alta-
re munus tuum.

Non

Non exaudiet nos Deus, nisi charitatem, quàm debemus omni homini, in nobis viderit.

Ab eodem reiicitur & oratio, quæ non eò spectat, vt soli Deo placeamus. Siue enim corporis valetudinem, siue alia vitæ necessaria petimus, semper in hoc petenda sunt, vt adepti ea, expeditius Domino seruiamus.

Malam esse somnolentiam.

Non sit longior somnus, quàm natura postulat. Diutius enim dormiendo bene agendi tempus perditur, & promptiores ad vitia reddimur. Bene dictum à quodam:

Plus vigila semper, nec somno deditus esto.

Nam somno dediti, à luxuria libidinèque vix abstinent. Hominis vocabulo dignos iudicauerit nemo, qui quum horas plures dormiendo perdiderint, expetrecti, nondum loti, nondum pexi ientacula poscunt;

prandia deinde parari iubent, & priusquam bene hesternā edormierint crapulam, nouis ac recentibus se ingurgitant, iterum totam noctem & insequentis diei meliorem partem somno daturi. Vigilandum igitur, orandum, studendum, manibus laborandum, ne intremus in tentationem, ne nihil agentes, ad conuiuia, & comestationes trahamur, ad alia quoque vitia sollicitemur. Nulla re alia facilius, quā labore obruuntur libidinis incitamenta.

*Qualem eum oporteat esse qui populo
Iesum euangelizat.*

Vos qui in ecclesia Dei ad populum declamatis, operā date, vt praeceptis respondeant opera. Qui enim fecerit & docuerit, is magnus vocabitur in regno cælorum. Vis aliorū delicta efficaciter arguere? fac in te non inueniant alij quod redarguāt. Humilitatem doces? ipse mitis esto.

Ad

Ad patientiã hortaris? ab ira cundia recede. Stupra detestaris & adultèria? castitatem serua. Iustitiã doces, & in vitia inueheris? nihil improbè vt agas, vide. Laudis quoque humana vitanda tibi captatio est, non iactandum ingenium, non variarum rerum ostètanda cognitio, vt in suis prælectionibus facere consueuerunt Poëtarum & oratorum interpretes.

Vitandam esse detractionem.

De absentibus aut tacendum, aut amicè loquendum & ciuilitè. Magnam partem simultatum inter homines constat oriri ac nasci ex linguæ intemperantia. Bonum nomen si melius est quàm diuitiæ multæ, grauius peccat qui famæ obtreçtat aliorum, quàm qui bona diripit, & innoxios exuit opibus. Abominatio hominum, detractor. Dauid eos detestatur, quum ait. Detrahentem secretò proximo suo, huic persequē-
bar

bar. Si quando in huiusmodi hominem incideris, ne præstes aurem, os auertas. Vbi sycophantiis suis offendi te nugator animaduерterit, pudore confusus obmutescet. Ventus Aquilo dissipat pluuias:

& facies tristis linguam detrahentem.

*

FINIS.









